



Srebrenica Quilt Project

Ćilim sjećanja u Čikagu

Hillary Clinton

Balkan je u opasnosti!



Broj 59, 15. mart 2009, Godina VI


Cijena USA i Canada \$1,5,
BiH 1 KM, EU 1,5€

Bošnjačka dijaspora

Bosnian American Independent Newspaper

Zbog stanja u BiH EU upozorila Dodika

Evropa će izabrati BiH, a ne Republiku Srpsku



Robert Cooper



Nevjerovatna priča: Jovica Stanišić

Srpski zločinac agent CIA-e

BiH neće bankrotirati, ali građani hoće

Kriza u BiH sve veća

Intervju: Denis Prcić, predsjednik Upravnog odbora Američkog univerziteta u BiH



Američki san moguć u BiH

Grand
Rapids



Centralna svečanost povodom Dana nezavisnosti

Obilježen Dan nezavisnosti
BiH u St. Louisu



Bosna je
nezavisna i
takva će i ostati

Nogometni turnir povodom
Dana nezavisnosti u St. Louisu

Prvo mjesto
pripalo NK BiH



ŠKOLA ZA POLAGANJE CDL-VOZAČKE ZA KAMIONE

**1-866-326-5225
1-314-600-1736**

ALPHA
Transport Group, INC.

5400 GRAVOIS AVENUE ST. LOUIS, MO 63116

Truck Driving School



AKO JE KAMION VAŠA ODLUKA

JAVITE NAM SE – OSTALO JE NAŠA BRIGA

OBUKA NA NAŠEM JEZIKU - BESPLATAN SMJEŠTAJ ZA STUDENTE

World Travel and Tours

5629 Gravois Ave
St. Louis, MO 63116

Phone: 314-351-9355
Fax: 314-353-2966
E-mail: travelstl@yahoo.com



www.worldtravelstl.com

Mi smo jedina putnička agencija u St. Louisu koja izdaje avionske karte odmah pri uplati, jer samo mi imamo sklopljene ugovore direktno sa avionskim kompanijama.

Ako želite jeftinu, brzu i efikasnu uslugu obratite se nama, bilo da se radi o avionskim kartama ili odmorima kao što su Mexico, Hawaii, Bahamas...

**PUTUJTE
SIGURNO - NA VRIJEME - BEZ BRIGE
SA MANJE PRESJEDANJA
SA AVIONIMA NAJBOLJIH AVIONSKIH KOMPANIJA
UZ GARANTOVANO NAJPOVOLJNIJE CIJENE**



Piše: Mirzet Hamzić
hamzicm@gmail.com

„Policija Srbije raspisala je potjernice za bivšim članom Predsjedništva RBiH Eju-pom Ganićem i 18 bh. državljana osumnjičenih za ratne zločine u Sarajevu.“ Ne, nije ovo nikakva dezinformacija nego se žarište zla tokom devedesetih pokušava pretvoriti u prostor postizanja konačne pravde. Pomenuti se optužuju za otpor koji su početkom agresije na Bosnu i Hercegovinu pružili tzv. Jugoslovenskoj narodnoj armiji i tom prilikom istoj nanijeli gubitke u ljudstvu i materijalno tehničkim sredstvima. Neko ko malo bolje poznaje historiju rekao je da ga ovo podsjeća na suđenje britanskoj protuavionskoj odbrani koja je prilikom bombardiranja engleskih gradova srušila neki od njemačkih aviona i tom prilikom su stradali piloti nacističke Njemačke. Ali ovo nije 1945-a i Bošnjaci nisu Englezi. Ova razglednica iz Beograda doživljava se kao pomoć prvom u Srbu u Bosni i Hercegovinu, nerealiziranim pjevaču novokomponovanih narodnih pjesama, Miloradu Dodiku, čije su kriminalne radnje napokon dospjele do suda Bosne i Hercegovine. Od trenutka kada je pomoćnik direktora Agencije za istrage i zaštitu BiH /Sipa/ Dragan Lukač potpisao krivičnu prijavu protiv predsjednika Vlade Republike Srpske Milorada Dodika i još nekoliko osoba zbog

štete u iznosu od 145 miliona maraka, sva raspoloživa sredstva kojima Srbi raspolažu od Melburna do Moskve i dalje, podigla su se da dokažu kako ovaj državni dužnosnik nije poštovao proceduru. Zamislite, sjetili se da postoji procedura koja se mora poštovati na državnom nivou jer, Bože moj, ako se ne poštuje to bi moglo slabiti ugledu državnih institucija. A Srbi koje predstavljaju SNSD ne mogu podnijeti rušenje ugleda države Bosne i Hercegovine. Divno zvuči, zar ne.

No, zamislimo da prvi čovjek Agencije, čiji je Lukač uposlenik, nije kojim slučajem Dodikov sluga izvjesni Mirko Lukić. Zamislimo da upućivanje bilo kojeg kriminalca iz reda srpskog naroda na sud zavisi od pomenutog direktora. Ne smijemo ni da zamislimo da li bi kada bi prikupljena dokumentacija koja govori o biznisu Milorada Dodika dospjela do suda kada bi se poštovala procedura i čekao potpis Lukića Plemenitog. Dodik bi nesmetano mogao uplaćivati penziono posve siguran da će penziju mirno trošiti negdje na Dedinju, posve siguran da će imati i za kartu do Laktaša.

Navedeni potez Dragana Lukača izazvao je takvu srpsku histeriju koja se ne

pamti od NATO udara izvedenih negdje na samom kraju prošlog milenija. Ugojeni, uvijek spreman na psovku i novokomponovanu pjesmu, morao je izvući i one koje su mu se tako duboko uvukli da se mislilo kako ih je smrad davno ugušio. Izvjesni Pantelija (ne nije to onaj iz Maratonaca) Ćurguz (nije šega čovjek se stvarno tako preziva), predsjednik Boračke organizacije Republike Srpske, toliko se izgubio da je, mrtav hladan, ispričao kako se nekoliko Bošnjaka povratnika u Prnjavor naoružava.

O arsenalu oružja koja nabavljuju teško je i govoriti. Atomska bomba je za Panteliju mala maca. Ali jadnik je u pobrojavanju imena nabrojao i one (zaista dužno poštovanje) koji već odavno počivaju na boljem svijetu.

No, Bošnjaci su još dobro prošli. Jedan hrabar i odvažan čovjek koji vlastiti narod nastoji probuditi iz duboke hipnoze, Slobodan Vasković, morao je na sebe primiti 378 javnih ličnosti iz RS (nadamo se da isti ne dolaze iz kuća kakve su ličnosti) jer su se oni žalili, nikome drugom do onom koji je njihov Mili „spakov“ Rafi Gergorijanu, supervizoru za Brčko, kako je pomenući Vasković utajio porez još prije 8 go-

dina. Ako on ne plati porez njihov Mile ne može mirno spavati.

I tako iz dana u dan vijest strašnija od strašnije. Zaglušujuće bučna. Sve u svrhu da neko ne upita daj da vidimo što je u toj prijavi i da vidimo koja je to magična šifra po kojoj premijer „boljeg dijela BiH“ gradi i u širinu i u visinu. Izgledi da ćemo to saznati su mali. Jer dok je u prvom radu dvojac Špirić – Radmanović, odmah iza Kuzmanović – Radojičić, a za jezive izjave zaduženi Vasić – Majkić, Mile može mirno spavati. Jer, kriminogene grupe koje su u zadnje dvije godine toliko radikalizirale stanje u BiH, znaju da ako nešto bude Voždu onda i njima valja tražiti mjesta u tijesnim zatvorima BiH.

A Bosna? Čeka ko će upravljati njome. Kada se već pomirila da će Valentin Inzko biti na njenom čelu neko je rekao da treba sačekati još neko vrijeme. Zašto?

Vidjet ćemo. Ovo ionako nije prostor gdje valja požurivati.

Ne pominjemo one kojima su Bošnjaci dali svoj glas.

Oni zaista nisu vrijedni pomena. Ako nekog interesuje kako su. Dobro su. A njihovi bližnji i oni su dobro. A njihovi glasači. Ko im je kriv?

Da li će Republika Srpska i Republika Srbija postati jedinstven ekonomski prostor

Rušenje Bosne i Hercegovine ekonomskim sporazumima

Republika Srpska uporno pokušava pronaći načine slabljenja Bosne i Hercegovine i istovremeno jačanje Republike Srpske i njenih veza sa svijetom. Nakon otvaranja kacelarije u Briselu, kako bi se povezivala sa zemljama Evrope i predstavljala kao zasebna država, Republika Srpska pokušava i putem ekonomskog povezivanja ojačati svoju poziciju. Traženje uspostavljanja jedinstvenog tržišta između Republike Srpske i Srbije, što je na "srpskom Davosu" održanom u prvoj sedmici marta na Kopaoniku najavio premijer RS Milorad Dodik, prošlo je gotovo bez bilo kakvih reakcija političke javnosti u BiH. Dodik je ovo najavio kao jednu od mjeru potrebnih za ublažavanje posljedica ekonomske krize, iako je i sam prije toga tvrdio da krize u RS

zapravo neće ni biti.

Međutim, na posljednjoj sjednici Fiskalnog vijeća BiH čini se da su pored Dodika i preostali predstavnici državne i entitetskih vlasti konačno priznali da je kriza došla, pa su počeli donositi i prve konkretnе mjere. Tako je u nepunih dva sata razriješen problem raspodjele oko 180 miliona KM od sukcesije bivše SFRJ, oko kojih su se vlasti sporile proteklih nekoliko godina.

Dodik za sarajevski dnevnik "San" ustvrdio da je njegova izjava sa Kopaonika pogrešno i zlonamjerno interpretirana, te da je on govorio o ujedinjavanju prema modelu kakav funkcioniše u Evropskoj uniji.

"Tržište Srbije i RS je i inače integralno i to može samo da se pogrešno inter-

pretira. Cijeli region treba da ujedinjava tržište. Mi to pokušavamo kroz neke zajedničke projekte koje radimo sa Vladom Srbije, ali i Vladom FBiH. Sa Vladom FBiH dogovorili smo da pravimo hidroelektranu na Ugri, razriješili smo politička pitanja i ostalo je samo da osiguramo novac i da to izgradimo", kaže Dodik.

On ne vidi razlog zašto bi bio problem da se bilo koja tržišta povezuju i ujedinjuju, a pozvao je i Vladu Hrvatsku da učestvuje u realizaciji zajedničkih poslova.

Sa druge strane, federalni premijer Nedžad Branković smatra da je tržište BiH već jedinstveno, uprkos određenim razlikama koje postoje zbog drugaćijih zakonskih rješenja u pojedinim oblastima.



"Ujedinjavanja tržišta mogu se dešavati samo između suverenih država. Što se tiče Dodikovih izjava, to ne želim komentarisati jer je riječ o politici i postoje oni koji se tim trebaju baviti", kazao je Branković. Federalni premijer međutim nije htio kazati kako Sarajevo nema adekvatan odgovor na ovakve Dodikove istupe i kršenje temeljnih principa dejtonskog mirovnog sporazuma. Nakon što Srbija i Republika Srpska nisu uspjele uništiti BiH tokom rata, rat drugim sredstvima je nastavljen i on će, nadajmo se još dugo trajati, jer njegov osnovni cilj je uništavanje BiH.

Srebrenica

Povratnik ubio zmiju u centru Srebrenice



Pored svoje kuće u centru Srebrenice povratnik Zijad Salimović je u Ulici Hrid, ubio zmiju dugu 120 centimetara. Mnogi nisu mogli povjerovati jer se zmija pojavila u pola zime, samo nekoliko dana nakon velikih mrazeva, što ni najstariji Srebreničani ne pamte.

-Čistio sam oko kuće, kad se odjednom pojavila zmija. U prvi mah nisam mogao vjerovati da bi zmija mogla biti u ovo doba godine. Kada sam je ubio ispričao sam prijatelju Amиру Mehmedoviću, ali on nije vjerovao dok je nije bio vidio, kazao je Salimović.

Prošle godine zmije su se u Srebrenici pojavile u martu i cijelog ljeta viđane su po ulicama grada, a Izo Suljić je uspio ubiti 12 otrovničkih u razmaku od 15 dana.

U Brčkom plakati protiv Severeninog koncerta Severini 60.000 maraka



Na više lokacija u središtu Brčkog tokom fabruara izljepljeni su plakati sa sloganom "Gore Vlada - dole Severina - pomožimo penzionere, studente i nezaposlene, a ne Severinu". U potpisu autora ovog plakata su Nezavisni magazin "Ctrlx info", informativni portal "Infobrčko" i Aktivistički pokret građana BiH "Dosta!". Ova neformalna udruženja poznata su u Brčkom kao oštiri protivnici nekontroliranog trošenja novca iz proračuna Distrikta, posebno nakon službene najave iz brčanske Vlade da je za proslavu Dana Distrikta 8. marta planirano da bude potrošeno oko 200.000 KM. Od toga, samo za nastup hrvatske pop zvijezde Severine Vučković bit će plaćeno 60.000 KM.

Postavljen spomenik ubijenoj djeci Sarajeva

Čahure kao spomenik



U centru Sarajeva, na lokalitetu Velikog parka, građani napokon imaju prilike vidjeti kako izgleda spomenik posvećen tragično prekinutim životima djece koja su stradala u ratu od 1992. do 1995. godine u ovom gradu.

Spomen-obilježje ubijenoj djeci op-

koljenog grada urađeno je prema idejnou rješenju skulptora Mensuda Keče, koji je zajedno sa ostalim umjetnicima na spomeniku radio više od godinu dana.

Keče ističe da je ovo za njega bio veliki poduhvat, te da je zadovoljan rezultatit-

ma vrijednog rada na izgradnji spomenika za nesretno prekinuta djetinjstva. "Smatram da spomenik ima prihvatljivo likovno rješenje, te da korespondira sa modernim vremenom u kojem živimo. Komisija je jednoglasno prihvatile moje idejno rješenje, a i obični građani koji svaki dan prolaze kraj Velikog parka imaju pozitivne kritike", istakao je Keče.

Napomenuo je da je prilikom pravljenja spomenika prije svega htio da pošalje simboličnu poruku, te da kroz umjetnost ispriča priču o pogibiji nedužne djece.

"Spomenik se sastoji od bronzanog prstena koji je napravljen od čahura granata i ostale municije. Čahure smo skupili poslije rata, istopili ih i izlili u prsten. Na prstenu su otisnute dječije stope, koju su otisnuli djeca srodnici ubijene djece u ratu. Dvije odvojene staklene skulpture u sredini predstavljaju majku koja želi da zaštititi svoje djetete", objasnio je skulptor.

Hillary Clinton

Balkan je u opasnosti!



"Nećemo dozvoliti da tamo ostane nedovršen posao", kazala je Clinton na ministarskom zasjedanju NATO u Briselu...

Američki državni sekretar Hilari Clinton istakla je na ministarskom zasjedanju NATO u Briselu da je "upravo sada Balkan u opasnosti da postane dio zaboravljene prošlosti" i dodala da se "neće dozvoliti da tamo ostane nedovršen posao, obzirom na sve učinjeno 90-ih godina". Clinton nije obrazložila šta tačno smatra "opasnošću u kojoj se nalazi Balkan", ali je podvukla da je to za Balkan opasnost da postane dio zaboravljene prošlosti.

"Ja znam koliko mnogo smo mi ostvarili tamo tokom 1990-ih godina i znam da mi nećemo dozvoliti da taj uspjeh propadne zbog toga što nismo završili taj posao", rekla je.

Zabrinutost stanjem u BiH našim vlastima prenio je visoki zvaničnik Stejt departmenta Stjuart Džons (Stuart Jones) tokom razgovora sa bh. Zvaničnicima u Sarajevu. Džons je pred dolazak u Sarajevo o situaciji u BiH u više navrata razgovarao s Hilari Klinton i njenim prvim saradnikom Džejmsom Štajnbergom (James Steinberg). Ona je direktno izrazila zabrinutost zbog političke situacije i izrazila spremnost da se Sjedinjene Države aktivnije angažiraju u našoj zemlji. Zbog toga je Džons, koji je direktno zadužen za region i BiH, poslan "na

teren" kako bi u direktnim razgovorima s političkim predstavnicima formirao cjelokupnu sliku o ozbiljnosti situacije i problemima s kojima se BiH suočava. Džonsova misija je da prenese poruke ozbiljne zabrinutosti i interesiranja SAD, upravo u momentu kada traju konsultacije o novom visokom predstavniku, ali u prvom redu da prikupi relevantne informacije. Na osnovu tih informacija Vašington će onda odlučiti o formi i načinu na koji će taj ojačani angažman realizirati. Aktivniji pristup u izboru novog visokog predstavnika te zaustavljanje te procedure već su najavili drukčiji i odlučniji angažman Amerike. Džons je iznio jasan stav SAD da neće

biti zatvaranja Ureda visokog predstavnika dok ne budu ispunjeni uvjeti koji podrazumijevaju i stabilnu političku situaciju u BiH. Zabrinutost Stejt departmenta potvrdio je i Robert Vud (Wood), portparol na brifingu u Vašingtonu. Odgovarajući na pitanje novinara o situaciji u BiH, on je kazao da su SAD svakako zabrinute zbog svih tenzija. -Sigurno je da razgovaramo s različitim partnerima kako bismo vidjeli šta se može uraditi da bi se situacija smirila - rekao je Vud. Zanimljivo je da je Džons dodao da, osim političke situacije, Vašington ima određenu rezervu i brigu zbog mogućih ekonomskih problema zbog globalne krize, ali i unutrašnjih problema.

U subotu 28. februara u Saladin Sali u Grand Rapidsu je održana centralna svečanost obilježavanja Dana nezavisnosti Bosne i Hercegovine, 1. mart

Centralna svečanost povodom Dana nezavisnosti

Grand Rapids je bio Bosna u malom. U prelijepoj dvorani na 4200 Saladin drive pored domaćih gostiju bili su tu i gosti iz Chicaga, Detroita, Atlante, Seattlea, New Yorka, Saint Louisa, Louisvillea, Floride, Kanade i Bosne i Hercegovine.

Gradonačelnik Grand Rapidsa George K. Heartwell u svom pozdravnom govoru se obratio prisutnima ističući da Bosanska zajednica u GR ima veoma značajnu ulogu u razvoju ovoga grada. Bošnjaci iz GR su prepoznatljivi kao vrijedan narod kome je u prošlosti nanesena velika napravda. Narod Bosne i Hercegovine je preživjeo genocid i mi građani Grand Rapidsa smo u cilju obilježavanja i pamćenja tih stradanja donijeli povelju kojom smo jedan tjedan u godini proglašili tjednom sjećanja na genocid u Bosni i Hercegovini, kazao je Heartwell.

Prisutnima se obratio i generalni kon-



zul Eldin Kajević, koji je pozdravio sve prisutne članove UO Kongresa Bošnjaka i zaželio im uspešan rad u budućem radu. Gospodin Eldin Kajević je posebno naglasio da trebamo da učemo u obrazovanje naših mladih jer obrazovan čovjek je slobodan čovjek, a iz toga proizlazi i veća snaga naše zajednice. Nakon toga je gospodin Eldin

Kajević objasnio prisutnima proceduru dobivanja biometričkog pasoša i zamolio sve prisutne da se što prije registruju kako bi u sljedećim izborima birali najbolje. Na kraju govora je gospodin Kajević čestitao Dan nezavisnosti BiH i pohvalio domaćina kao izvrsnog organizatora. Zanimljivo je bilo izlaganje dr.Smaila Čekića koji je govorio o

genocidu koji se desio u Bosni i Hercegovini, a posebno je naglasio da se mi kao Bošnjaci moramo mijenjati i uzeti učešće u dnevnoj politici, a posebno naši intelektualci bi se trebali više angažovati jer naša država treba svakog Bošnjaka, Bosanca da bi smo pronašli najbolji put za našu Domovinu u ova hirovita vremena. U završnom razgovoru dr Samil Čekić je čestitao Dan nezavisnosti svim prisutnima.

U programu su učestvovali specijalni gosti iz Saint Louisa - Hor ilahija i kasiđa koji su izvanredno prezentirali našu duhovnu muziku što je publike burno nagradila aplauzom, zatim Samir Muhamedović koji le izvodio bosanske patriotske pjesme, te KUD Preporod iz Grand Rapidsa, koji je izvodio narodna kola i igre iz Bosne i Hercegovine. Bilo je lijepo gledati KUD Preporod i djecu koja su izvrsno igrala. Svečanost je organizirala Koordinacija Kongresa Bošnjaka Sjeverne Amerike na čelu sa predsjednikom Hamulićem.

Izvor: Chicagoraja.net

Srebrenica Quilt Project

Ćilim sjećanja u Čikagu

Bosanska biblioteka Čikago, Conrad Sulzer Public Library 4455 North Lincoln, ave/ Montrose u saradniji sa Bošnjačko-američkim savjetodavnim vijećem za Bosnu i Hercegovinu

Bosanska biblioteka Čikago u saradniji sa Bošnjačko-američkim savjetodavnim vijećem za Bosnu i Hercegovinu u Vašingtonu, The Advocacy Program, humanitarnom organizacijom iz Vašingtona, Bosfamom iz Tuzle i Udruženjem Srebreničana iz Čikaga pokrenula projekat Srebrenica Quilt Project

u Vašingtonu, The Advocacy Program, humanitarnom organizacijom iz Vašingtona, Bosfamom iz Tuzle i Udruženjem Srebreničana iz Čikaga, organizirali su u subotu 7. marta 2009. godine druženje sa Bebom Hodžić, predsjednicom i osnivačem Bosfama (koja je bila učiteljica i direktor os-

novne škole u Srebrenici i preživjela je genocid), Eminom Kulašić, direktoricom Savjetodavnog vijeća iz Vašingtona (rođenom u Kozarcu, koja je imala 7 godina kad je preživjela logor Trnopolje, a potom je završila Političke nauke na Lojola univerzitetu u Čikagu, stajala kod senatora iz Illinoisa Djen Sakovski, Ricarda Durbina i Obaraka Obame, sadašnjeg predsjednika USA), te sa Enesom Karićem, predsjednikom Udruženja Srebreničana iz Čikaga, pod nazivom Srebrenica Quilt Project.

Uz pomoć Oxfama, humanitarne organizacije iz Londona, ona je započela pilot program liječenja i zapošljavanja žena koje su preživjele genocid kroz tkanje ćilima i izradu ostalih rukotvorina. Pokrenula je novi projekt Srebrenica Memorial Quilt 2008. godine. Ćilim sjećanja sačinjava 20 panoa i svaki predstavlja sjećanje na žrtvu srebreničkog masakra iz 1995. Projekat kolaža je osmisnila Bosanska Familija (BOSFAM), ženska organizacija koja okuplja žene iz Istočne Bosne raseljene tokom sukoba. Mnoge članice BOSFAMA su izgubile svoje



najdraže u masakru. BOSFAM u Sjedinjenim Državama podržava Udruženje preživjelih Srebreničana, Bosanska medjinska grupa (www.bosnianmedia-group.com) kao i Advocacy Project u Washingtonu, DC (www.advocacynet.org). Panoe koji su trenutno na raspaganju su istkale članice BOSFAMA kojima je masakr odnio njihove najbliže. Tkali BOSFAM će vrlo rado istkati panoe i za druge porodice. One na ovaj projekat tkanja gledaju kao na način da ostanu u vezi sa ostalim preživjelima. Profil tkalja (na engleskom jeziku) možete pogledati na <http://www.advocacynet.org/page/weavers>. Kolaž je posvećen svima koji su izgubili živote u genocidu u Srebrenici koji se zbio

tokom jula 1995. godine. Mapa sa imenima je dostupna na <http://www.advocacynet.org/page/map> Alison Sluiter, direktoricom Advokacy Projekta, diplomirala na uglednom Džordžtaun univerzitetu Spoljne poslove, ruski jezik, azijske i istočnoevropske studije; radila u Njemačkoj i Poljskoj. Počela rad na projektu Srebrenica Memorial Quilt juna 2008.

Moderatori ovoga skupa su gospoda Selena Seferović (magistar slavistike, doktorski kandidat, ass. prof. na Univerzitetu u Beogradu, gost profesor u Kini i Alžиру, edukator i prevodilac u Čikagu, autor knjige Bosanska biblioteka Čikago- Govor zavičaja, bloger, osnivač i direktor Biblioteke koju volonterski vodi desetak godina), Sanja Seferović Drnovšek (advokat, magistar društvenih nauka, profesor, bloger i aktivista u BH zajednici, osnivač i glavni urednik časopisa Nova žena, rukovodilac programa Biblioteke: Obrazovanjem protiv predrasuda).

mr. Selena Seferović

Američki san

Za tri godine svog postojanja, AUBiH je postavio nove standarde u visokoškolskom obrazovanju u BiH, opravdao podršku američkih diplomata, te pokazao da je američki san moguć u našoj zemlji. U ovoj obrazovnoj ustanovi, na Fakultetu međunarodnih finansija i bankarstva, Fakultetu digitalne ekonomije i informacione tehnologije i Fakultetu međunarodnog prava i diplomacije, u Tuzli i Sarajevu školuje se oko 250 studenata, koji će dobiti svjetski priznatu diplomu State University of New York (SUNY).



Kako biste objasnili uspjeh AUBiH koji je za nepune 3 godine postojanja uspio postaviti nove standarde u visokoškolskom obrazovanju u BiH?

Nije bilo jednostavno. Pokušat ću ukratko objasniti naš uspjeh. Jasna vizija, iskrene i plemenite namjere, velikim angažmanom, ogromnim znanjem i iskustvom, rezultirali su uspješnim stvaranjem AUBiH. Timski rad, na početku nekoliko pojedinaca i ljudi koji su prepoznali razloge

postojanja jedne moderne i svjetski priznate visokoškolske ustanove, bio je ključan u ostvarenju ove plemenite misije. AUBiH je najbolji primjer da su snovi i vizije mogući i u BiH. Mi smo dokaz da je uspjeh u BiH moguć i to na jedan van-serijski i originalan način.

Kako to mislite?

Mi smo AUBiH, imajući u vidu svjetske naučno-obrazovne standarde, uveli na

Američki sistem

Američki sistem obrazovanja je specifičan, i sam nastavni proces se razlikuje od sistema obrazovanja u BiH. Metodologija rada je takva da studenti imaju više različitih testova, kvizova i finalnih testova tokom čitavog semestra. Studenti htjeli ne htjeli, svakodnevno moraju raditi zadataće, svaki drugi treći dan kvizove i projekte u grupama, tako da tokom cijelog semestra moraju aktivno raditi. Uopće nema mogućnosti za kampanjsko učenje. Studenti moraju redovno dolaziti na nastavu, redovno učiti i samim tim se postižu visoki rezultati.

Nastava se odvija prema planu i programu SUNY-ja, a to podrazumjeva i upotrebu američkih udžbenika, čiji su autori priznati širom svijeta. Ovaj semestar smo uspjeli obezbijediti svim studentima besplatne originalne udžbenike iz SAD-a, a trudit ćemo se to nastaviti i u budućnosti.

Diplomu SUNY univerziteta posjeduje čak 2 miliona ljudi u svijetu. Ovaj univerzitet upiše godišnje blizu 550.000 studenata u 64 studentska kampa u državi New York. AUBiH je ravnopravan dio ove velike naučne porodice. Naši studenti su veoma traženi stručnjaci na svjetskom tržištu. A ono što je traženo i čega nedostaje u svijetu, može samo višestruko koristiti našem poslovnom ambijentu, društvu i državi.

velika vrata visokoškolskih institucija globalnih razmjera. Znanje, stečeno pohađanjem jednog od fakulteta na AUBiH, dobijanjem diplome, ne samo da je priznato od strane Državnog univerziteta Države Njujork (SUNY), već kao takvo, ravnopravno konkuriра svugdje u svijetu.

do najkvalitetnijih i najsposobnijih ljudi koji su spremni odmah preuzeti odgovornost i voditi poslovanje u bilo kom domenu. Diplomu SUNY univerziteta posjeduje čak 2 miliona ljudi u svijetu. Ovaj univerzitet upiše godišnje blizu 550.000 studenata u 64 studentska kampa u državi New York. AUBiH je ravnopravan dio ove velike naučne porodice. Naši studenti su veoma traženi stručnjaci na svjetskom tržištu. A ono što je traženo i čega nedostaje u svijetu, može samo višestruko koristiti našem poslovnom ambijentu, društvu i državi. Zapravo je naša namjera bila kada smo osnivali AUBiH ostvarenje sna o univerzitetu koji će služiti svojim studentima, ali i pravu na bolju i prosperitetniju Bosnu i Hercegovinu.

Ispada da je „američki san“ moguć i u BiH?

Sanjati je dobro. Raditi još bolje. Mi smo dokaz da zdravi snovi, postavljeni na ispravnim vizijama, uz jako puno rada, uz svjetske metode učenja prilagođene našim uvjetima i mentalitetu, kao i besprijekorna organizacija i briga za svakog studenta, čine snove realnim. Studenti i njihov uspjeh su naša jedina briga.

ŽIVOTNA ODLUKA

To tvrde sve visokoškolske ustanove. Ali, šta to zaista znači?

To znači da studenti nemaju drugih obaveza nego samo da usavršavaju njihovo znanje kako bi što spremnije izlazili na ispite.

Evo jednog banalnog primjera. Kod nas studenti ne provode sate čekajući u studentskim službama da bi ovjerili indexe. Naši studenti ne trče za profesorima kako bi dobili potpise i tako stekli pravo na izlazak na ispit. Na AUBiH studenti trebaju samo predati indexe, za sve ostalo se brine studentska služba.

Upis na fakultet je jedna od najbitnijih životnih odluka. Zašto bi se neko trebao odlučiti za upis na AUBiH u sljedećoj školskoj godini?

Vrlo često ističemo prednosti američkog sistemavisoškolskogobrazovanja.Želio bih ovom prilikom naglasiti još jedan bitan momenat. Polazimo od činjenice da je riječ o vrlo bitnoj životnoj odluci. Mlađi ljudi koji završavaju srednje škole nalaze se na prekretnici njihovog budućeg životnog i poslovnog opredjeljenja. S

moguć u BiH

druge strane, roditelji su možda još i više svjesni te činjenice. Svako želi najbolje svome djetetu. Naš uspjeh temelji se, prije svega, na toplom ljudskom pristupu svakom studentu i roditelju posebno. Taj osobni pristup podrazumijeva realno predstavljanje naših mogućnosti, prepoznavanje i isticanje prednosti i posebnih nadarenosti svakog studenta, ali i ukazivanje na određene manjkavosti i nedostatke kod konkretnih pojedinaca. I studenti i roditelji prepoznaju i cijene takav iskren pristup. Već nakon prvog susreta u preliminarnim razgovorima sa njima, prije samog upisa, svima biva jasno da se ovdje ne radi o pukoj prodaji i lobiranju, već o istinskoj brizi za dobrobit svakog pojedinca.

Naglasio bih da su studenti cijelo vrijeme sa svojim porodicama i da po znanje kako nudi američki sistem obrazovanja ne moraju ići nigdje izvan svoje zemlje.

Mnogima se kao prepreka upisu na AUBiH čini nedovoljno poznavanje engleskog jezika. Koji nivo znanja je potreban da bi neko mogao upisati AUBiH?

Predavanja se odvijaju isključivo na engleskom jeziku, koji je svjetski jezik u svijetu poslovanja i diplomacije. Studenti koji imaju srednjoškolsko znanje engleskog jezika mogu se upisati, s tim da AUBiH procjenjuje koji je to nivo znanja, a u cilju daljeg usavršavanja jezika. Studentima omogućavamo besplatno usavršavanje jezika. Omogućavamo im da se pripreme i shvate način rada na AUBiH. Vjerujte da u veoma kratkom vremenskom periodu, čak i u prvom semestru, savladaju jezik.

STUDENTSKA PRAKSA

Koји су још разлоzi zbog којих je AUBiH први izbor za sve one koji se upisuju na fakultet?

Svakako da su tu i međunarodno priznati SUNY akademski programi usmjereni izgradnji karijere. AUBiH ima pristup

Takov stručnjak dobro je došao u svaku kompaniju, banku ili instituciju, jer već tokom studija stiče ne samo znanja, već i iskustva potrebna za nesmetano preuzimanje svih obaveza i odgovornosti na veoma bitnim funkcijama, vitalnim za poslovanje svake korporacije. Osim toga, tu su još i SUNY predavanje na daljinu i pristup digitalnoj biblioteci. Naši studenti u svakom trenutku imaju pristup čak 18 miliona naslova iz kojih praktično imaju relevantno naučno znanje cijelog svijeta

razmjene informacija i znanja. U četvrtoj godini, studenti odlaze jedan semestar u SAD na praksi, gdje stiču vrijedno iskustvo, nakon čega se vraćaju u BiH kako bi diplomirali. To je plaćena praksa i taj novac će im omogućiti da u SAD-u plate sve troškove življena.

Isto tako AUBiH nudi vrlo bogat studentski život izvan nastave, mogućnost samoorganizovanja, sportske aktivnosti, studijska putovanja i ekskurzije. A, tokom studiranja, studenti se susreću



AMERICAN UNIVERSITY
IN BOSNIA AND HERZEGOVINA

Info o AUBiH

Više informacija, kao i detaljane upute za upis u školsku 2009/2010 mogu se pronaći na web adresi:

www.aubih.edu.ba

Tu su i naši telefoni u Tuzli 035 321 050 i u Sarajevu 033 296 415

Adresa u Tuzli je: Ul. Mije Keroševića Guje 3, 75000 Tuzla.

Adresa u Sarajevu je: Fra Andjela Zvizdovića 1, 71000 Sarajevo.

Naš mail je: contact@aubih.edu.ba

na dlanu. Autori udžbenika po kojima naši studenti uče su najeminentniji svjetski naučnici.

Na AUBiH studenti stiču stručna znanja i praksi već za vrijeme studiranja?

Tako je. Omogućavamo jedan semestar u SAD-u, u SUNY studentskom kampu, plaćenu stručnu praksu u tamošnjim kompanijama na Wall Street-u i Manhattan-u. Ove godine prva generacija naših studenata ide u SAD. Osim redovnih predavanja i prakse, predviđeni su i obilasci kulturnih spomenika u New Yorku-u, izleti na Nijagarine vodopade, shopping u Wall Martu, itd.

Tu je i stručna praksa u bh. preduzećima. AUBiH je jedini univerzitet u BiH koji svojim studentima garantuje sticanje praktičnog iskustva u skladu sa akadem-

sa najznačajnijim državnicima regije, ambasadorima, biznismenima i drugim značajnim ličnostima.

Podrška američke diplomacije

Primjetna je i podrška koju AUBiH ima od američkih diplomata koja ide mnogo dalje od deklarativne?

Naravno da AUBiH ne bi postojao bez podrške State Department-a i Američke ambasade u BiH. Trenutno, u Upravnom odboru imamo tri bivša američka ambasadora: Clifford Bonda, Williama Montgomery i Ralpha Johnsona, koji imaju svoja praktična zaduženja. Veliki prijatelj i donator AUBiH je Duch Summers, američki milijarder i poslovni čovjek, čije je interesovanje za AUBiH još jedna potvrda da smo na pravom putu.

Ostatak Upravnog odbora je „domaći“?

Dodao bih i vrlo respektabilan. Tu su još Mirsad Kurtović, generalni direktor UNITIC-a, Igor Davidović, stalni predstavnik pri UN-u ambasador, Željko Kopanja, direktor „Nezavisnih novina“ i Mijo Mišić, generalni sekretar Udruženja banaka BiH.

Svi ti ljudi rade za dobrobit BiH, tako da svako od nas ima svoj zadatak koji omogućava bolji prosperitet BiH kroz razvoj visokog obrazovanja. Pokušavamo, na najbolji način, poboljšati standarde i doprinijeti razvoju poslovne atmosfere za investicije u BiH. To je najveći značaj AUBiH, a svi mi zajedno radimo za do-

„Harvard case study“

No, ono što čini dodanu vrijednost u ovom specifičnom sistemu obrazovanja jeste „Harvard case study“ metod predavanja, zasnovan na obradi i analizi stvarnih poslovnih događanja i procesa, koji su se dešavali negdje u svijetu, a zbog svog su značaja odabrani kao primjeri iz prakse na kojima će se buduće generacije poslovnih ljudi učiti kako kritički razmišljati, donositi odluke i rješavati probleme.

i može raditi po čak 7.500 različitih planova i programa. Treba istaći da su planovi i programi po kojima se radi na AUBiH istodobno priznati i od vlasti BiH. Kod ovolikog broja planova i programa, puno je lakše izabrati one najbolje za naše studente. To znači da se studenti već u toku samog studija specijaliziraju za rad u usko profiliranim oblastima.

skim programom rada, obezbjeđujući im tokom ljetnog semestra praksi u renomiranim preduzećima koja posluju u BiH, ali i državnim institucijama, neprofitnim organizacijama, itd. Ovaj program koristan je kako za naše studente, tako i za kompanije i institucije koje se odluče primiti AUBiH studenta na praksi, jer omogućava obostrani proces procjene i

Jaka veza AUBiH i SUNY univerziteta

- Naš odnos sa Državnim univerzitetom New York je partnerski. AUBiH je prethodno morao ispuniti sve propise i standarde koje je SUNY postavio, kako bi Senat države New York priznao naš Univerzitet. To praktično znači da su, osim pristupa pomagalima, bazi podataka, i metodi učenja, naši studenti istovremeno i studenti SUNY univerziteta. Njihov status priznalo je i njujorško ministarstvo obrazovanja. Nema nikakve razlike između studenata AUBiH i studenata SUNY univerziteta, jer su svi registrirani u New York Department of Education, u SUNY sistemu koji je najveći obrazovni sistem u svijetu. Ovo im omogućava značajne povlastice u visini školarine u odnosu na ostale strane studente SUNY univerziteta.

Dakle, radi se originalnom i samo nama svojstvenom rješenju studiranja i to nas čini drugačijim od ostalih. Jednostavno, to je jedna od naših bitnijih konkurenčkih prednosti.

brobit naših studenta i BiH. Opravdali smo ukazano povjerenje i jedan smo od svjetlijih primjera u BiH. Da li je iznos školarine realan i ko sebi može priuštiti studiranje na AUBiH? Bukvalno svako. Materijalne uvjete za studiranje smo sveli na minimum. Školarina iznosi 5.500 eura za godinu. Međutim, omogućili smo gotovo svima da sebi priuštite studiranje na AUBiH. Nudimo studentske kredite na 12 godina. To je tek trećina školarine, a dvije trećine obezbjeđuje SUNY univerzitet. Dakle, diploma AUBiH, koja je istodobno i diploma SUNY univerziteta vrijedi tri puta više.

Planirate li dalji razvoj AUBiH?

AUBiH školuje i odgaja profesionalce, koji će, kao takvi, biti potrebni u ekonomsko-političkom razvoju BiH. Naš cilj je studentima omogućiti kvalitetno obrazovanje, kako bi upravo oni sutra pomogli dalji prosperitet domaćih institucija i kompanija. Mi se razvijamo u skladu sa istraženim potrebama tržišta. A, kolike su potrebe, najbolje govore naši razvojni planovi koje u potpunosti ispunjavamo. Osim postojećih fakulteta u Tuzli i Sarajevu, u jesen otvaramo i Fakultet međunarodnog prava u Banjoj Luci, te Američki univerzitet u Beogradu.

Locirani u srcu bosanske zajednice!

LEMAY INTERNAL MEDICINE



Treba li vam klinika do koje možete doći za nekoliko minuta i gdje svoje zdravstvene probleme možete opisati na bosanskom jeziku?

Trebate li doktore koji će pristupiti vašem problemu kao svom vlastitom?

Nazovite nas: 314-543-5984
i na bosanskom jeziku
Zakažite appointment.

LEMAY INTERNAL MEDICINE

Moderna medicina.
Tretman sa razumijevanjem.



**Josef Wood,
doktor medicine**
Medicinski Fakultet
University of Illinois

Residency:
St. John's Mercy,
St. Louis




**Emir Kerić,
doktor medicine**
Medicinski Fakultet
Univerzitet u
Banja Luci

Residency:
SLU Hospital
Forest Park Hospital

2900 Lemay Ferry Road Suite 208
St. Louis, MO 63125
314-543-5984

ST Anthony's
Medical Center



Rukomet

Susret BiH - Srbija sude Slovaci

Evropska rukometna federacija delegirala je sudsije za predstojeće utakmice kvalifikacija za evropsko prvenstvo 2010. u Austriji.

Prvi susret između Bosne i Hercegovine i Srbije sastat će se u Nišu, a sudit će Nijemci Lars Geipel i Marcus Helbig.

arbitri iz Slovačke, Peter Brunovsky i Vladimir Canda.

Tri dana kasnije reprezentacije BiH i Srbije sastat će se u Nišu, a sudit će Nijemci Lars Geipel i Marcus Helbig.



Ako želite da kupite ili prodate vašu kuću, za Vas je najbolji izbor:



Claus Schlaefli
314-503-6611
www.WhySTL.com



Garantovana satisfakcija!

Pažnja kupci!!!
**Izbjegnite greške kod kupovine kuće i
uštedite hiljade dolara**
**Nazovite za besplatan savjet:
1-888-876-2997 #1019**

Your Home SOLD in under 120 Days
or I Buy it for Cash

**Ako još niste izabrali agenta,
onda je Claus pravo rješenje**
Nazovite odmah: 314-503-6611



DELMAR FINANCIAL COMPANY

MORTGAGE BANKERS
1030 WOODCREST TERRACE • SAINT LOUIS, MO 63141-5003 • 314-434-7000
TOLL FREE 1-800-289-3326



VAŠ MORTGAGE LOAN OFFICER - JEDANAEST GODINA ISKUSTVA

BRUNO MRUCKOVSKI

314-638-3000 OFFICE
314-583-1112 CELL.

8707 Gravois Rd.

UVIJEK NA RASPOLAGANJU ZA TERMINE

*Equal Housing Lender




Zbog stanja u BiH EU upozorila Dodika

Evropa će izabrati BiH, a ne Republiku Srpsku

Budete li nas doveli u situaciju da bismo između Bosne i Hercegovine i Republike Srpske, izabrat ćemo BiH - poručio je Miloradu Dodiku za vrijeme nedavne posjete Sarajevu Robert Kuper (Cooper), generalni direktor Generalnog sekretarijata Vijeća Evropske unije za vanjske i političko-vojne poslove. Ovaj visoki evropski zvaničnik je zamjenik Hrvatjera Solane, britanski diplomat s iznimnim ugledom u Vijeću EU. Poznat je po tome što se rijetko pojavljuje u javnosti, a kada se to desi, onda ono što kaže ima posebnu težinu.

Ipak, Kuperovo upozorenje u RS nije shvaćeno ozbiljno! Dodik je odmah nakon sastanka s njim, na Radio-televiziji Srbije zaoštrio retoriku. Kasnije akcije i reakcije samo su pridonijele upravo njegovom planu aktivnosti, učvrstile ga u RS i do usijanja dovode krizu koja sve opasnije nagriza BiH.

Ne treba se čuditi Dodikovom ponašanju! On je odavno oguglao na poruke koje mu stižu iz zapadnih



država. Retorika jeste sve oštija, ali je uvijek prati potpuni nedostatak akcije. Zapad, dakle i EU i SAD, još ne shvata šta se dešava u BiH. Oni s nevjericom primaju uznenirujuće poruke koje stižu iz ovog dijela Balkana. Preokupirani vlastitim problemima i globalnim izazovima, oni se "ne trzaju" na uznenirujuće poruke svojih ambasadora u Sarajevu te upozorenja koja sve češće čitaju u svojim uglednim novinama.

Dva su moguća scenarija izlaska iz sve opasnije situacije u BiH: Zajednička akcija EU i SAD na sređivanju stanja u BiH. Ko god misli da se to može postići tako što će dva šerifa - iz Brisela i Vašingtona - dojihatati na konjima i pobiti i pohapsiti "loše momke" u BiH, grdnio se vara. Realnije je da, nakon što Washington izabere svog predsjedničkog izaslanika za Balkan, isto uradi i EU. SAD imaju mišiće, ali su pare i dalje kod EU.

Formiran odbor Zajednice sandžačke dijaspora za Švicarsku

Jačanje veza u Dijaspori

Na Osnivačkoj skupštini uz prisustvo velikog broja Bošnjaka porijeklom iz Sandžaka koji žive i rade u Švicarskoj, formiran je Odbor Zajednice sandžačke dijaspora za Švicarsku

Formiranjem Odbora Zajednice sandžačke dijaspora za Švicarsku napravljen je veliki iskorak u organizovanju sandžačkih Bošnjaka u ovoj zapadnoevropskoj zemlji. Na Osnivačkoj skupštini koja je održana u subotu, 28. feb. 2009 god. u 17:00 časova u prostorijama džemata Bischoffzell uz prisustvo velikog broja Bošnjaka porijeklom iz Sandžaka koji žive i rade u Švicarskoj, formiran je Odbor Zajednice sandžačke dijaspora za Švicarsku koji će u narednom periodu pokušati da animira Sandžaklje iz ove zemlje kao i one koji žive u pograničnom području u Austriji u Njemačkoj.

Kao kratkoročni plan planirana je i jedna manifestacija za sve naše iseljenika u tom kraju a na koju bi bili pozvani uglednici iz Sandžaka i dijaspora. Osnivačkoj skupštini prisustvovala je delegacija iz Njemačke na čelu sa predsjednikom Zajednice sandžačke dijaspora Edinom Salkovićem. U njegovoj pratinji bili su potpredsjednik ZSD-a Ahmet Ahmatović, član glavnog odbora Mirsat Biberović te Safet Biberović, urednik web portala ZSD. Oni su svojim učešćem u radu Osnivačke

skupštine dali veliki doprinos da ista bude uspješno okončana.

Prije početka Osnivačke skupštine Imam u džematu Bischoffzell Dževad ef. je proučio ašere nakon čega se skupu obratio predsjednik Inicijativnog odbora za osnivanje švajcarskog odbora ZSD, hadži Izet Osmanović. On je skup upoznao sa osnovnim načelima i ciljevima Zajednice sandžačke dijaspora s posebnim osvrtom na rad sa našim ljudima u Švajcarskoj. Osmanović je podsjetio na uspjehe koje je Zajednica sandžačke dijaspora već postigla

Odbor ZSD za Švicarsku: Izet Osmanović (Wattwil) - predsjednik; Almir Aljković (Wetzikon) - potpredsjednik; Senad Sejdović (Wetzikon) - sekretar; Enes Malicević (Wetzikon) - blagajnik; Članovi: Omer Brulić (Bischefzell); Kemal Baltić (Bischefzell); Ahmedin Idrizović (Bischefzell); Izet Sejdović (Wetzikon); Senad Gološ (Goldau); Nazif Čelić (Goldau); Safet Kurtović (Bern-Zeneva); Hajriz Gegić (Biel) i Nizar Skenderović (Wattwil).

na prostorima Njemačke, Francuske i Austrije gdje je ZSD veoma aktivna.

Zatim je riječ dobio Edin Salković, predsjednik ZSD koji je u jednom sažetom izlaganju upoznao prisutne o dosadašnjem šestogodišnjem radu Zajednice te velikim iskoracima i rezultatima koji su postignuti na polju jačanja jedinstva sandžačkih Bošnjaka u Njemačkoj, te u Francuskoj i u Austriji. Uloženo je puno truda na jačanje veza naših iseljenika sa domovinom i to na institucionalnom nivou. On je istakao kako je ZSD svjesna izazova kojima su Sandžaklje u dijaspori izloženi te da se poduzimaju određene akcije u cilju prevazilaženja poteškoća na putu integracije Bošnjaka u zapadnoevropsko društvo.

U drugom dijelu Skupštine izabarani su članovi Odbora Zajednice sandžačke dijaspora za Švicarsku koji će je voditi u prvom mandatu. Po završetku Osnivačke skupštine jedna veća delegacija na čelu sa Edinom Salkovićem je posjetila obližnji Islamski kulturni centar «Sandžak» u Wetzikonu. U prijatnom ambijentu druženje sa članovima tog džemata je trajalo do kasno u noć.

Jose Mourinho:



**Ibrahimović
je najbolji, a
ne Cristiano
Ronaldo**

Jose Mourinho, trener Inter-a, izjavio je da još misli da je Zlatan Ibrahimović najbolji igrač na svijetu

Mourinho, 46-godišnji trener talijanskog nogometnog prvaka Inter-a, opet je istakao da Zlatana Ibrahimovića smatra najboljim na svijetu, dok je slavni Ibra također poznat po hvalospjevima Portugalcu.

- Mislim da se zna koji su to najbolji svjetski igrači fudbala. Prvi je Zlatan Ibrahimović, zatim Cristiano Ronaldo i Lionel Messi, pa Kaka. Ponosan sam što mogu reći da imam jednog od njih, i to ponajboljeg od ove četvorice, izjavio je Mourinho.

Jose Mourinho je prethodno izrazio sumnju u portugalskog napadača Cristiana Ronaldala, mada je Ronaldo s 42 prošlogodišnja pogotka za Manchester United proglašen ubjedljivo najboljim igračem na svijetu.

- Zasluzio je Zlatnu loptu zbog Lige Prvaka i šampiona Premier lige, ali nije najbolji. Po meni Ibrahimović je zasluzio tu titulu, dodao je Mourinho.

Sportski mediji su prenijeli i da se Jose Mourinho našao pod istragom Italijanskog nogometnog saveza (FIGC) zbog verbalnog ispada nakon ligaškog ogleda protiv Rome (3:3). Portugalac je nakon utakmice oštro kritizirao Romu, Juventus, ali i talijanske medije.

Srpski zločinac agent CIA-e

“Zvuči kao nevjerovatna priča, pa ipak se čini da je u gradu, u kojem je najtraženiji ratni zločinac godinama navodno živio i radio sa lažnim identitetom, sve moguće. Nije prošlo ni osam mjeseci od hapšenja Radovana Karadžića a glavni grad Srbije Beograd suočava se sa još jednom nevjerovatnom pričom koja se odnosi na još jednog Haškog optuženika - Jovicu Stanišića, piše Frankfurter Allgemeine Zeitung i dodaje: Haški tužitelji optužili su ga da je koordinirao osnivanje paravojnih jedinica za srpsku tajnu službu i da ih je poslao da protjeruju i ubijaju Hrvate i Bošnjake, piše Frankfurter Allgemeine Zeitung i u nastavku se osvrće na članak “Los Angeles Times-a”. U tom članku se tvrdi da je Stanišić u noćnim susretima na obali rijeke Save u međuvremenu penzioniranom agentu CIA-e Williamu Logfrenu pružao informacije o planovima Slobodana Miloševića. Stanišić je navodno pomogao agentima CIA-e da osnuju “tajna uporišta” u Bosni. On je



osim toga dao Amerikancima informacije o Sadamovim tajnim bunkerima u Iraku, koje su gradile bivše jugoslovenske firme. Stanišić je pomogao i da se oslobođi 388 vojnika NATO saveza koji su upotrijebljeni kao živi štit prilikom bombardovanja srpskih položaja u Bosni. Stoga je CIA Haškom sudu

Njemačka štampa osvrće se na slučaj Jovice Stanišića, bivšeg šefa srpske tajne službe i natpise američkog lista “Los Angeles Times” da je on bio agent CIA-e.

prosljedila dokumente, u kojima se osvjetjava njegova uloga i navodi da je on bio od velike pomoći. Američki list citira i Logfrena koji kaže da je Stanišić, iako zli lik, ipak donio i dosta dobra i pomogao da se okonča rat u Bosni. To je međutim kontradiktorno navodima Haškog tužilaštva, konstatiše Frankfurter Allgemeine Zeitung i dodaje: “Paravojne jedinice srpske tajne službe su u ratu u BiH odigrale veliku ulogu. Stanišić sam kaže da nije kriv i da je pokušao uticati na Miloševića da bude umjerjeniji. Stanišić, kako su navodno rekli američki izvori za “Los Angeles Times” nije za svoje usluge nikada uzeo novac, piše FAZ.

Frankfurter Allgemeine Zeitung osvrće se i na reakcije u Srbiji na tvrdnje da je Stanišić bio agent CIA-e u Srbiji. Tako

je ministar unutrašnjih poslova Ivica Dačić, kojem je Milošević bio mentor, rekao da je sve to nevjerovatno i da se radi o pretjerivanju. Potom je dodao, “ako je to istina, onda je tačno da su strane sile bile umiješane u sve što se dešavalo tokom raspada Jugoslavije”. Beogradski B92 je, nastavlja FAZ, objavio intervju sa drugim bivšim šefom srpske tajne službe, koji je rekao da se, kada je riječ o Stanišićevim kontaktima sa CIA-om, radi o uobičajenoj razmjeni informacija tajnih službi. “Teško je vjerovati da bi Haški sud mogao suditi Stanišiću da je on bio najvažniji čovjek CIA-e u regionu. U tom slučaju Amerikanci bi Stanišića zaštitili i sakrili, saopšto je ovaj bivši srpski funkcioner za B92, konstatuje Frankfurter Allgemeine Zeitung

Islamska zajednica BiH dobila tužbu protiv RS-a

Republika Srpska odgovorna za porušene džamije

Ponovna izgradnja džamija je u toku u mnogim mjestima na prostoru BiH. Presudi po tužbi Islamske zajednice BiH zbog rušenja vjerskih objekata u Banjaluci u periodu od 1992 - 1995. godine u cijelosti je udovoljeno. Pravobranilaštvo najavilo ulaganje žalbe.

Najveći dio odnosi se na dva kulturno-istorijska spomenika, Ferhadiju i Arnaudiju na koje se odnosi 32 odnosno 15 miliona maraka. Grad Banjaluka i RS obavezni su presudom da nadoknade štetu Islamskoj zajednici BiH a advokat Esad Hrvačić izrazio je nadu da RS neće podnositи žalbu na ovu presudu. “Ovom presudom RS preuzeala je punu odgovornost za rušenje 16 vjerskih objekata Islamske zajednice u periodu 92.-95. godina. Naravno mi smatramo da je ovo istorijska presuda za Islamsku zajednicu i sve Bošnjake koji su preživjeli rušenje svoje imovine i očekujemo da će ova presuda biti implementirana.”

Presudu su preuzeli iz Pravobranilaštva RS. Zamjenik pravobranioca Dragan Spasojević kaže da će pravobranilaštvo sigurno podnijeti žalbu na ovu presudu:



BANJOLUČKA FERHADIJA (1579 - 1993)
Ovu velebnu bogomolju podiže u ime Allaha Dobrotvor Ferhat-beg, pomagač vjernika. Žednim mačem uklesa u mramor svoje junacko ime, Ratnim imetkom podiže dobro taj odabranu muž. Sipahija, prispevši gradjevini reče joj kronogram: "U ime Allaha sagradjeno je ovo mjesto za vjernike!"
(prijevod natpisa sa džamajskog portala)

“Nije to završena priča, to je samo prvi stepen. Poslije toga ide žalba, okružni sud i mi čvrsto stojimo na stanovištu da je ta tužba u potpunosti neosnovana. Ima tu masa povreda postupaka, prisbrasnost sudske itd.”

Pravobranilaštvo je na zadnjem ročištu u novembru prošle godine navelo da Islamska zajednica nije dokazala da je nadležna za učešće u ovoj parnici jer kako kažu predmetnom imovinom upravlja Vakufska direkcija Sarajevo. Iz RS osporili su i nalaze vještaka koji je kako kažu bio pristrasan i da trenutno obavlja funkciju direktora obnove i rekonstrukcije džamije Ferhadija. Esan

Hrvačić ne misli da je u tom procesu išta bilo sporno. “Sead Pašić ne može biti u sukobu interesa, on je vještak na listi vještaka. Svako ima pravo da vještači ukoliko ga sud za to ovlasti. To što radi na radovima u RS je jedan od razloga da je mogao doći do podataka na temelju čega je mogao da izvrši procjenu. Mi smatramo da Ferhadija vrijedi mnogo više od 34 miliona. Tu se radi o kulturno-istorijskoj vrijednosti.”

Islamska zajednica kao je-

dan od ključnih dokaza ističe činjenicu da su svi vjerski objekti minirani ili zapaljeni od aprila do septembra 1993. godine u vrijeme policijskog časa, kada je samo malom broju osoba bilo omogućeno kretanje, uključujući policiju, vatrogasce, hitnu pomoć i druge službe. Islamska zajednica je, kao dokaz da su planski i s namjerom porušeni vjerski objekti u Banjaluci, te kasnije onemogućavana njihova obnova, navela i dokaz od 1994. godine kada je donesen novi regulacioni plan Grada Banjaluke po kojem su na mjestu porušenih vjerskih objekata planirane zelene površine. Ferhat-pašina džamija, poznatija kao Ferhadija, srušena je 7. maja 1993. godine a u istoj noći, u razmaku od 15 minuta srušena je i džamija Arnaudija. Pedesetih godina prošlog vijeka obje džamije proglašene su spomenikom kulture nulte kategorije pod zaštitom UNESCO-a.



Bolero Café

Uma Aličković
Owner

Hours: Mon.-Sun.
7:00 a.m. to 9:00 p.m.
Closed on Tuesdays

4718 Gravois Ave.
St. Louis, MO 63116
314-353-3620

KBSA poziva sve Bošnjake na jedinstvo

Na prijedlog Komisije za izradu pravnih akata Kongresa, dana 28. februara 2009. godine u Grand Rapidsu je održana Vanredna Skupština KBSA. Na zasjedanju Skupštine bilo je prisutno 47 registriranih delegata iz sljedećih država: Canada, Georgia, Illinois, Kentucky, Missouri, Michigan, New Jersey, New York i Washington

Nakon održane Vanredne Skupštine u Grand Rapidsu, Michigan, dana 28. februara 2009. godine Upravni Odbor KBSA u cilju obavještavanja svojih članova i javnosti izdao je Saopćenje za javnost u kojem stoji: „Na osnovu odluke UO KBSA, a na prijedlog Komisije za izradu pravnih akata Kongresa, dana 28. februara 2009. godine u Grand Rapidsu je održana Vanredna Skupština KBSA. Na zasjedanju Skupštine bilo je prisutno 47 registriranih delegata iz sljedećih država: Canada, Georgia, Illinois, Kentucky, Missouri, Michigan, New Jersey, New York i Washington. Nakon izbora Radnog predsjedništva, dopune i usvajanja Dnevnog reda, Skupština je započela rad usvajanjem Izvještaja o radu UO u periodu maj 2008. - februar 2009. i Finansijskog izvještaja za isti period.

Veoma konstruktivna diskusija se vodila povodom Prijedloga izmjena Statuta i By-Laws KBSA. Nakon prihvatanja predloženih izmjena i dopuna od strane delegata usvojeni su novi, izmjenjeni Statut i By-Laws KBSA koji će biti upućeni svim Koordinacijama i delegatima na razmatranje prije Skupštine u Jacksonville-u.

Poziv na jedinstvo: Delegati su jednoglasno usvojili Rezoluciju KBSA koja poziva na jedinstvo Bošnjaka Sjeverne Amerike. Vanredna Skupština u GR i njeni delegati pozivaju na ujedinjenje Bošnjaka Sjeverne Amerike. Plaketa: Za izuzetan doprinos u radu i razvoju KBSA, UO KBSA je dodjelio Plaketu KBSA prof. Emiru Ramiću, kao najveće odlikovanje koje ova organizacija dodjeljuje. Zahvalnost: Posebnu zahvalnost UO izražava Koordinaciji KBSA Grand Rapids na izuzetnoj organizaciji Skupštine, kao i prof. dr. Smailu Čekiću, konzulu BiH u Čikagu mr. Eldinu Kajeviću, te gradonačelniku Grand Rapidsa gosp. George K. Hartwell koji su svojim obraćanjima doprinijeli da Vanredna Skupština i proslava Dana nezavisnosti BiH proteknu u duhu bošnjačke/bosanske tradicije i bosansko - američkog prijateljstva.

Zahvaljujemo se Horu ilahija i kasida "Medina" St. Louis i KUD-u "Preporod" iz Grand Rapidsa kao i medijskim pokroviteljima: TV Bostel, Bosnian Media Group-Dijaspora Bošnjačka, Chicagoraja.net, Bošnjaci.Net i BalkanMedia te svim delegatima koji su bili prisutni na Vanrednoj Skupštini", kaže se u saopćenju UO KBSA.



Radno predsjedništvo: Glavne izmjene Statuta i By-Laws sastoje se u sljedećem:

1. Izmjene By-Law su urađene u skladu sa važećim zakonima države gdje je KBSA registrovan i doprinojeće obezbjeđivanju dobijanja non-profit statusa;
2. U slučaju nesuglasja između odredbi Statuta i By-Laws, primjenjuju se odredbe Statuta
3. Godišnja zasjedanja Skupštine KBSA prelaze u Konvenciju KBSA, koja se održava svake druge godine;
4. Koordinacije trebaju biti organizovane na principu jedna država /provincija - jedna Koordinacija, čime bi se eliminisalo postojanje paralelnih Koordinacija u jednom gradu;
5. Jedino legalne su one Koordinacije koje su potvrđene od strane UO KBSA;
6. Koordinacije registrovane na državnom/provincije nivou imaju pravo na najviše deset delegata dok organizacije iz država gdje ne postoji orga-

nizovana Koordinacija mogu delegirati jednog delegata. Koordinacije moraju imati Pravilnik o radu koji je u skladu sa aktima KBSA i moraju biti potvrđeni od strane UO;

7. Uzika se Koordinacioni savjet jer otvara mogućnost paralelizma Skupštini /Konvenciji;
8. Organizaciono, rad UO je podijeljen na Komitete koji će se baviti raznim sektorima rada važnim za djelatnosti KBSA i interesu Bošnjaka Sjeverne Amerike;
9. Mandat članova UO je dvije godine sa pravom na još dva mandata. Nakon isteka tri mandata, član mora pauzirati dvije godine kako bi ponovo mogao biti biran.

Upravni odbor: Na Skupštini je izabran UO KBSA u sastavu: Haris Alibašić - predsjednik, Murat Muratović - potpredsjednik, Ferid Sefer - sekretar, Uzeir Ramić - blagajnik, Semir Đulić - glasnogovornik, Meliha Pihura, Kemal Hamulić, Burhan Husika, Džafer Kulenović, Vahid Šuta, Mirsad Smajić i Daniel Toljaga. UO će biti dodatno dopunjeno u Jacksonvilleu, dok će dr. Denita Pašić nastaviti da služi kao pravni savjetnik za KBSA, te zajedno sa dr. Calvin Mashio da zastupa pravne interese KBSA.

Skupština u Jacksonville-u: Skupština je potvrdila odluku o održavanju Skupštine KBSA u Jacksonville i UO će u roku od 30 dana formirati delegaciju koja će se sastati sa domaćinom XIV Susreta Bošnjaka Sjeverne Amerike, a u duhu tradicije Susreta. UO KBSA će pripremiti sve potrebne dokumente za zasjedanje Skupštine. UO poziva sve Koordinacije i organizacije da prijave svoje delegate za Skupštinu u Jacksonville. Delegati Koordinacija, organizacija i pojedinci koji su prisustvovali Vanrednoj Skupštini u Grand Rapidsu ne moraju ponovo uplaćivati članarinu za Skupštinu u Jacksonville.



Nakon povreda Ibiševića i Salihovića

Je li bajka o Hofenhajmu već gotova?



Ostaje li njemački provincijski klub u utrci za titulu prvaka ili će ipak završiti sezonu na dnu tabele? Ovo je jedno od najinteresantnijih pitanja koja se nameće u drugom dijelu Bundeslige. Da li će učestale povrede Hofenhajmovih igrača, kao i dopinig afera, ipak ostaviti traga na uspjeh ovog kluba?

Kada se pogleda trenutna situacija u Hofenhajmu teško je doći do zaključka što se zapravo dešava u redovima prve Njemačke u jesenjem dijelu prvenstva. Od početka drugog dijela sezone Hofenhajmov fudbalski sjaj je nestao. Uspio je da dođe samo do jedne pobjede, a u zadnja četiri kola nije dobio nijednu utakmicu. Zbog svega je klub u sve većem zaostatku za vrhom tabele. Šta se dogodilo sa čarobnim fudbalom iz Hofenhajma?

Odgovor na ovo pitanje sigurno leži u problemima sa igračima koje ima na raspolaganju trener Ralf Rangnick. Dosta toga je novog u njegovom timu. Novi golman, novi napadač, novi stadion, a i povrede standardnih igrača Hofenhajma, samo su neki od događaja koji sigurno utiču na rezultat ovog kluba. Bosanskohercegovački reprezentativac Vedad Ibišević povrijeden je i do ljeta neće zaigrati, a nedavno je iz stroja izbačen i Sejad Salihović koji će izvan stroja biti četiri sedmice. To je još jedan dodatni udarac za personalni kadar Ralfa Rangnika. Kako na svojoj internet stranici izvještava sportski list „11. Freunde“ Salihović će najvjerojatnije van terena ostati četiri nedjelje, a teška povreda Vedada Ibiševića, još uvjek najboljeg strijelca Bundeslige, itekako se osjeti u timu.

Također se postavlja pitanje kakve posljedice može imati i doping afera na Hofenhajmov dalji uspjeh. Kompletan slučaj se još uvjek nalazi pod istragom komisije Njemačkog fudbalskog saveza i prema najnovijim informacijama odluka o tome može se očekivati tek naredne sedmice. Hofenhajmu prijeti opsanost da izgubi jedan bod i plus zabrana igranja za „dopingovane igrače“. Fudbalski stručnjak iz Hofenhajma Ralf Rangnick odbija bilo kakav razgovor o krizi u svom timu, a o ambicijama za titulu njemačkog prvaka kaže: „Sakupiti 35. bodova nije uopšte lako. Ponoviti ovakav uspjeh u drugom dijelu sezone biće teško. Ali, meni to u stvari i nije toliko važno. Mi radimo kao da smo osmi na tabeli i sa ovakvim razmišljanjem želimo i dalje da igramo u nastavku sezone. Jer, mi smo bili osmi na tabeli i kada smo prošle godine počeli sezonu u drugoj ligi“.

Lukač podnio prijavu protiv direktora SIPA-e Lujića

Prijava protiv Dodika uzdrmala SIPA-u

• O prijavi je obaviješten i ministar sigurnosti BiH Tarik Sadović •



Dragan Lukač, pomoćnik direktora SIPA-e, podnio je disciplinsku prijavu protiv direktora ove policijske agencije Mirka Lujića, zbog "teških povreda službene dužnosti od kada obnaša tu funkciju". Kako javlja FTV, Lukač se, među ostalim, žalio da je Lujić prezentirao netačne podatke koji utiču na proces donošenja odluka i izazivaju negativne posljedice po reputaciju agencije. U prijavi je navedeno da je Lujić onemogućio i ometao izvršenje policijskih zadataka, te provodio aktivnosti koje nisu u interesu SIPA-e. Također nije spriječio otkrivanje službenih tajni. O prijavi upućenoj šefu unutrašnje kontrole obaviješten je državni ministar sigurnosti Tarik Sadović te šef parlamentarne Komisije za nadzor nad radom policijskih i obavještajnih agencija Branko Zrno.

Ova prijava uslijedila je nakon što je Lujić od Vijeća ministara zatražio Lukačev razrješenje, zbog nepoštivanja procedure u slučaju krivične prijave protiv Milorada Dodika i još 14 osoba iz RS-a. Kako je Lukač imenovao OHR, Vijeće ministara je vrući krompir prebacilo toj

instituciji, koja još nije dobila zvaničan zahtjev da se očituje o tome. "Ukoliko bh. institucije sada misle da ima potrebe za pokretanjem nekih dalnjih procedura, to je nešto što oni u svakom slučaju mogu uraditi, ali se OHR ni u kom slučaju neće mišati u ovo", kazao je Mario Brkić, portparol OHR-a.

Cijela priča je, nakon što je Lukač dostavio Tužilaštvo krivičnu prijavu protiv Dodika i ostalih, sa pravosudno-poličkog je prebačena na politički teren. Toga su svjesni i u Policijskoj misiji Evropske unije, u kojoj ističu da je sve to imalo vrlo negativan učinak na kredibilitet institucija za provođenje zakona. "Veoma sam zabrinut zbog toga i pozivam na odgovorno postupanje u ovoj situaciji", upozorio je Stefan Feller, šef Misije EUPM-a u BiH.

Vijeće ministara očito će, osim o pitaju razrješenja Lukača - što je zatražio Lujić, morati razmotriti i optužbe koje je Lukač iznio protiv direktora SIPA-e, prije svih onu da direktor policijske agencije onemogućava policajce da rade svoj posao.

A & A TRANSMISSION & General Auto Repair

Transmission Specialist
Engine Repair & Service
Brake Service
Electrical Maintenance
Tune-ups & More...



6900 Morganford Rd St. Louis MO 63116
TAN - TRUONG (314) 678 2480

Imate li problema sa vašom transmisijom???
Ne plaćajte preskupo i za ono što i nije bilo potrebno popravljati - MI naplaćujemo za istinski rad na vašem autu - provjerite nas!!!

Locirani smo na raskršću
Morganford - Loughborough

AMERICAN FAMILY INSURANCE * www.amfam.com

IBRO TUCAKOVIC
IBRO T. AGENCY

9700 MACKENZIE ROAD, SUITE 110
ST. LOUIS, MISSOURI 63123-5423

Office: 314-544-0000
Fax: 314-544-0006
Mobile: 314-398-6562
E-Mail: itucakov@amfam.com
Website: www.ibrotucakovic.com REGISTERED REPRESENTATIVE
24-Hour Claims Reporting: 800-374-1111
*Securities Offered Through American Family Securities, LLC

TRGOVINA BEHAR

4704 Gravois Ave
St. Louis, MO 63116

Phone: 314.752.4201
Fax: 314.752.9273

Teufik Kovacevic
Owner

BOSNA VIDEO

2501 W LAWRENCE AVE
CHICAGO IL 60625
TELEFON (773) 275 - 8281

OPEN
10 : 00 AM
09 : 00 PM
OWNER'S
RASIM & FADILA SILAHIC

AUTHORING STUDIO BOSNA VIDEO
VISOKO KVALITETNOM TEHNIKOM
REMASTERIZUJRE SVA VIDEO IZDANJA SVIH
SVIJETSKI SISTEMA (PAL - NTSC)
ISTA PRENOŠI NA DVD VISOKOG KVALITETA HD
VASE SVADBE . ROĐENDANE , SVEČANE
DOGAĐAJE SNIMAMO SA HD KAMEROM
ISTA PRENOSIMO NA VHS I DVD HD
DŽENAZE , SAHRANE , POGREBE
RADIMO BESPLATNO .
HVALA NA POVJERENJU VAŠA BOSNA VIDEO

BOŠNJAČKI IZVORI VELIĆ

5311 N California Ave
Apt # 2 S
Chicago, IL 60625

H. 773.784.2771
C. 773.895.5131
amir82@sbcglobal.net



Znanje je jedna kap, a neznanje cijelo more

Bosanske vjerske knjige možete naručiti i kupiti po cijenama
kao i u Bosni. Da riješite svoje dileme sa literaturom i znanjem,
da ostavite svojoj djeci u amanet. Bajramski pokloni i za sve
druge prilike koje ostaju trajno u vašim
i našim seharama i vitrinama.

www.bosnjackiizvori.com

HVALA NA POVJERENJU

EUROPA MARKET St. Louis
FINE FOOD FROM CENTRAL AND
MEDITERRAN EUROPE

SOUTH CITY
5005 GRAVOIS
ST. LOUIS, MO, 63116
TEL: 314. 481 - 9880
FAX: 314. 481 - 3885
RETAIL AND WHOLESALE

SANA INC. International Grocery, Deli & Bakery

Haris Delic ~ Owner
4414 Morganford Road
Saint Louis, MO. 63116
314.481.5356



BiH neće bankrotirati, ali građani hoće

Kriza u BiH sve veća

Stručnjaci očekuju da će doći do izraza socijalnog nezadovoljstva

Prema mišljenju ekonomskih stručnjaka, BiH nije pred bankrotom, ali bi zbog teške ekomske situacije i velikog broja socijalno ugroženih građana, polovinom godine mogli bi uslijediti masovni protesti i socijalni nemiri. Nije jednostavno utvrditi da



li je BiH pred bankrotom, jer nema preciznih pokazatelja koji obuhvataju cijelokupno područje ove zemlje. Zato se u BiH iznose parcijalne ocjene za jedan ili drugi entitet ali su one nepouzdane, a ponekad i u službi dnevno-političkih interesa. Ekonomski ekspert dr. Boris

Tih ne vjeruje da će BiH bankrotirati, iako su posljedice globalne ekomske krize i u ovoj zemlji evidentne.

“Prevazišli smo onaj psihološki strah od kolapsa bankarskog sistema i pokazalo se da toga neće biti i ja ne vjerujem da ćemo doživjeti neki veliki kolaps, odnosno ne vjerujem da smo mi posebno ugroženi”, kaže dr. Boris Tihi. “Posljedice svjetske ekomske krize već utiču na raspoloženje svih građana BiH, a veliki broj njih se nalazi u stanju opće rezignacije” kaže profesor na Filozofskom fakultetu u Banjaluci dr. Miodrag Živanović, predviđajući dva moguća ishoda. “Da ta rezignacija jednostavno blokira revolt ljudi, ali ja više vjerujem tome da može doći do socijalnih nemira jer ljudi zaista, u bukvalnom smislu, nemaju šta da jedu”, kaže Živanović.

U cjelini gledano, platežna sposobnost BiH nije ugrožena do mjere koja bi izazvala ekomsku propast ali se, prema ocjeni analitičara, znatan dio novca “pogrešno usmjerava”. To stvara veliku masu ugroženih koji bi svoje nezadovoljstvo uskoro mogli iskazati na ulicama bosanskohercegovačkih gradova ili, kako ističe predsjednik Saveza samostalnih sindikata BiH Edhem Biber, “novim upadima u parlamente i vlade”.

“Sigurno je da će ova kriza biti i dublja i veća nego što smo pretpostavljali u nekim crnim scenarijima i najvjerojatnije je da će negdje, ili sredinom ili u drugoj polovini ove godine ovo eskalirati i da će doći do velikih socijalnih nemira”, upozorava predsjednik Sindikata BiH. “Političari su efikasni u suzbijanju koordiniranog djelovanja organizacija koje okupljaju ugrožene kategorije stanovništva, ali Savez samostalnih sindikata neće odustati od pokušaja

zajedničkog djelovanja”, kaže Biber. “Pravimo jednu koaliciju sa drugim socijalnim grupama, penzionerima, nevladinim sektorom, kompletnim civilnim društvom jer želimo da se organizujemo, ako dođemo u poziciju da izademo na ulice da to bude nešto što će se pamtit u BiH”, tvrdi Edhem Biber.

Ekonomski eksperti i sindikaci jedinstveni su u ocjeni da BiH neće bankrotirati, ali da mnogi njeni građani žive u bijedi. Predstavnici ugroženih kategorija stanovništva tvrde da političari na vlasti, sa visokim plaćama i raznim privilegijama ne osjećaju krizu te da zato i ne nude konkretnе odgovore.



Okončanje arbitraže

Povratak Brčko distrikta pod ingerencije države

Stvoreni uslovi za okončanje međunarodne arbitraže. Ukoliko amandman I na Ustav BiH bude usvojen u oba doma državnog Parlementa, stekli bi se uslovi za okončanje arbitraže i zatvaranje Ureda međunarodnog supervizora za Brčko.

Rasprrava u Parlamentu ukazala je na potrebu da se pitanje arbitražne odluke za Distrikt Brčko konačno riješi, što bi na kraju rezultiralo i povlačenjem Ureda supervizora za Brčko, kaže poslanik u Predstavničkom domu Rifat Dolić. “Ovo je zadnja faza te arbitraže i usvajanjem ovog amandmana Brčko distrikt se stavlja pod ustavne ingerencije BiH, gasi se Ured supervizora čime prestaju ingerencije međunarodne zajednice nad distrikтом”, kaže Dolić.

Šemsudin Mehmedović ističe da SDA podržava amandman I na Ustav BiH jer je to korak naprijed ka reintegraciji države, a od predstojeće javne rasprave očekuje dodatna pojašnjenja. “Želimo da građani BiH kroz javnu raspravu kažu svoje mišljenje i da nama zastupnicima trasiraju put kojim ćemo se kretati prilikom glasanja u drugom čitanju”, ističe Mehmedović.

Zamjenik predsjedavajućeg Predstavničkog doma Milorad Živković pojašnjava zašto zastupnici iz redova SNSD-a podržavaju predložene dopune Ustava. “Jedini razlog zašto mi ušli u dopune Ustava BiH je



gašenje Ureda supervizora za Brčko, davanje punog kapaciteta legalno izabranim institucijama u distriktu i vraćanje dijela suvereniteta koji je BiH izgubila”, naglašava Živković.

Kako bi se međunarodna supervizija uspješno okončala, Brčko distrikt mora imati efektivan pristup Ustavnom sudu. Također, moraju biti osigurani i mehanizmi deblokade, ističe pravni savjetnik člana Predsjedništva BiH Harisa Silajdžića, Damir Arnaut. “Ono što je posebno bitno, prema našim saznanjima, jeste to da arbitarne podržava ovaj amandman u trenutnom obliku, bez obzira na ono što je supervizor za Brčko (Rafi Gregorijan) rekao o tom pitanju”, upozorava Arnaut.

U predstojećoj javnoj raspravi očekuju se dodatna pojašnjenja, a moguće su i nove dopune amandmana. Ukoliko amandman o Distriktu Brčku prođe u oba čitanja u Predstavničkom domu državnog parlementa, o njemu će se na kraju izjasniti i Dom naroda Parlamenta BiH.

APARTMANI ZA RENTANJE

“Mi vjerujemo da bi hlađenje trebalo biti besplatno”

BESPLATNO - grijanje, hlađenje, gas - sve mi plaćamo

**Apartmani sa jednom ili dvije spavaće sobe
\$550 ili \$650 bez ekstra naplate za troškove
hlađenja ili grijanja**

**Potpuno nove kuhinje sa granitnim plocama i tehnikom
Preljepi St.Louis Hills, jedan blok od Wilmore parka
Osigurana zgrada, parking u prizemlju, uz mašine
za veš kao i prisustvo building menadžera**

Nazovite:


ALAN NORMAN

314-852-0941

Promocija

Roman "666" osvaja ljubitelje knjige

Iz štampe je izašao roman "666" autora Edita Agovića, jednog od urednika i kolumnista Bošnjaci.Net



Roman "666" je metaforički-prostorno široka i vremenski duboka priča, koja kroz savremeni trenutak i savremenu formu komunicira sa religiozno - mitološkim i povijesnim, ali i individualnim sudbinama uklještenim u tim determinirajućim okolnostima. Priča počinje na Maslinskoj gori kod Jerusalima, hiljadite godine prije naše ere, a završava 1995. godine u avionu iznad Jerusalima. Bavi se tri hiljade godina dugim fenomenom tajnih društava, te njihovim uticajem na religije i mitologije. Uz iznošenje dokumentovanih dokaza autor otvara neke tabuizirane teme, poput porijekla Adolfa Hitlera, te otkriva uzroke i povode velikih historijskih previranja. Maestralno ispričana, radnja romana inteligentno i vrlo uspješno, povlačenjem historijskih paralela i analogija, udara na stereotipe, uzburkava emocije i uspavanu intelektualnost čitatelja. Građen je na odmјerenom odnosu vlastitih opservacija i onog dijela teksta koji apsolutno nose likovi, koji zajedno, s različitim krajeva svijeta, tragaju za odgovorima na vječna pitanja ljudske egzistencije i koegzistencije.

Kombinacija umjetničke strasti i književnih vještina, ali i pokazana širina ličnih interesovanja, zapitanosti i zabrinutosti za količinom čovjeka u nama, ne zaboravljajući ljubavne strasti kao vječnu motivirajuću dimenziju, omogućila je dinamično djelo koje prosto vuče da bude čitano do kraja.

REALTY EXECUTIVES
of St. Louis
12016 Tesson Ferry Rd., Suite A
St. Louis, MO 63128
Direct: 314-680-4647
Office: 314-756-9100
Fax: 314-842-1014
djmruk@aol.com ~ www.realtyexecutives.com
Each Office is Independently Owned and Operated

Darko & Jasna
Mruckovski Team / REALTORS®

bmg
www.bosnianmediagroup.ba
www.bmg.ba

panorama

Bošnjačka dijaspora

Humanitarni koncert

Pomoć za Rasima Salkića

Rasim je obolio od raka pluća, liječenje zahtjeva veliku sumu novca, što on i njegova porodica nisu u mogućnosti da obezbijede

U St. Louisu je održano još jedno u nizu humanitarnih sijela, a ovaj put za Rasima Salkića iz Tokoljaka, opština Srebrenica, koji je obolio od raka pluća. Rasim ima suprugu i petero djece i jedan je od prvih povratnika u Srebrenicu, a njegovi troškovi liječenja zahtjevaju veliku sumu novca, što on i njegova porodica nisu u mogućnosti da obezbijede. Rasim se liječi u Slavinovićima kod Tuzle i zaista mu je potrebna pomoć. Tim povodom održano je humanitarno sijelo u St. Louisu u restoranu „Verona“ sa ciljem da se onoliko koliko se može pomogne Rasimu. Naravno svima hvala koji su pomogli počevši od vlasnika „Verone“ Hase, tu je i Alen Deba, Zumra, Envad Dedić, Hamdija Jusupović, naravno i Osman Ahmetović Tambura, koji je napustio koncert izvorne muzike u Melisu da bi se pridružio svojim kolegama u „Veroni“. Sa koncerta u Melisu naši građani su skupili




Detalj sa humanitarnog sijela

998 dolara, u Veroni se skupilo 1.010 dolara, a naše džematlije ispred Bos Islamskog centra su skupili 280 dolara.

Akcija je još u toku, a svi koji mogu i žele pomoći Rasimu, a nisu bili u prilici doći u „Veronu“ mogu se javiti na brojeve telefona: AKIF-314-814-7248 ili JUSMIR-314-814-4393. Još jednom svima hvala koji su pomogli ovu humanitarnu akciju, a našem Rasimu želimo sve najbolje i ako bogda što brži oporavak

Hajro Smajić



Osman Ahmetović Tambura

Njemačka

U Frankfurtu osnovan IKC "Gazi Isa-beg"



U nedjelju, 15.2.2009 je u Frankfurtu na Majni na inicijativu Zajednice sandžačke dijasporе osnovan je Islamski kulturni centar "Gazi Isa-beg". Uz prisustvo velikog broja Bošnjaka, uglavnom porijeklom iz Sandžaka održana je osnivačka skupština na kojoj su predloženi razlozi osnivanja i pravci djelovanja novog džemata u ovom gradu.

Izabran je i džematski odbor a funkciju imama

preuzeo je Kemal ef. Sejdović, imam sa dugogodišnjim iskustvom rada u dijaspori. Kemal ef. je govorio o značaju džemata i njegovoj ulozi u odgoju čovjeka. Informisao je skup da je on lično već organizovao vjersku pouku za djecu i da sada taj rad treba organizaciono unaprijediti.

Za predsjednika džematskog odbora u prvom mandatu izabran je Ferhan Sejdović. U svom obraćanju on je obećao intenzivan rad na animiranju Bošnjaka iz Frankfurta i okoline kao i postavljanje zajednice na čvrste i sigurne temelje. Istakao je nužnost poštivanja principa, transparentnosti u radu i međusobnog uvažavanja članova.

Skupu se obratio i Hako Dudić, jedan od najstarijih gastarabajera u Frankfurtu koji je govorio o svom tridesetpetogodišnjem iskustvu života u Njemačkoj i značaju džemata u očuvanju zajednice. Nakon skupštine održan je i prvi konsultativni sastanak novoizabranih odbora.

Euro Market & Grill
BISER
3225 Lemay Ferry
St. Louis, MO 63125
314-487-2004

Otvoreni svaki dan!
9 AM - 7 PM

WWW.TVBOSNJACI.NET Beta!

TELB EKONOMIJA POMOC Reportaje FILMOVI
Trac ANALIZINO Sport SERIJE Zabavna
Muzika NOVOSTI Intervjuj Politika
SRBIJA BIR Hrvatska ANALIZE ANALIZINO

GLEDAJTE NAS BILO GDJE BILO KAD I U BILO KOJE VRIJEME
MI SMO VASA JEDINA TELEVIZIJA WWW.TVBOSNJACI.NET

Na Vanrednoj Skupštini Kongresa Bošnjaka Sjeverne Amerike (KBSA) u Grand Rapids-u, održanoj 28.2.2009. godine, usvojena je:

REZOLUCIJA



I

Ovo je historijski trenutak u kojemu mi, sjevernoamerički Bošnjaci, objavljujemo da ćemo prevazići izazove nejedinstva i ujedinjeni krenuti ka poboljšanju svijesti o sebi i svojoj budućoj korisnoj ulozi u američkom, kanadskom i bosanskohercegovačkom društvu, tako što ćemo promovirajući i prakticirajući opći interes i dobro iznad osobnog, uspostaviti jedinstven KBSA kao jako bošnjačko uporište, koje će kao jedinstven nacionalno politički glas pridonositi boljoj bošnjačkoj budućnosti, kako u Sjevernoj Americi, tako i u Bosni i Hercegovini (BiH).

Američki i kanadski Bošnjaci imaju najboljeg partnera u KBSA da se odupru iskušnjima asimilacije, a ujedno prihvate pozitivne tekovine integracije, te odbrane i ojačaju sve komponente bošnjačkog narodnog bića tako što će u najrazvijenijem području na svijetu predstavljati i zagovarati najbolje vrijednosti i interese kako bošnjačkog naroda, tako i bosanskohercegovačke građanske države i društva.

II

KBSA se bori za očuvanje i jačanje Bošnjaštva kao narodne pripadnosti. Bošnjaci dijele zajedničke kulturne, historijske, običajne, jezičke, duhovne, folklorne, biološke i druge osobine i interes, kao i suverenu osobnu svijest o pripadnosti svom bošnjačkom narodu. Nakon agresije i genocida, Bošnjaci dijele i duboke egzistencijalne interese i prioritete. Sve ove odrednice bošnjačkog narodnog bića, KBSA će braniti i jačati u američkom Melting potu, kanadskom Kulturnom mozaiku i u bosanskohercegovačkom multilateralnom društvu.

III

Paralelno sa borbom za Bošnjaštvo kao pripadnošću jednom starom, autohtonom evropskom narodu, KBSA se bori i za Bosanskohercegovačku naciju Bosanaca i Hercegovaca, kojom Bošnjaci obznanjuju svoje bosanskohercegovačko građansko,

državotvorno, teritorijalno i Evropsko opredjeljenje u jedinstvenoj, demokratskoj, nezavisnoj, suverenoj državi BiH i slobodnom civilnom društvu.

IV

Suverenitet države BiH je nedjeljiv, neprenosiv i neupitan. Ova tri atributa suvereniteta, uz norme Internacionalnog pravnog poretku o pravu na kontinuitet ustavnosti i ustavnih procedura i nepriznavanju rezultata diskontinuiteta (agresijom i genocidom), omogućavaju legitimnu akciju KBSA na poništavanju rezultata agresije i genocida u cilju obrane i obnove jedinstvenog bosanskohercegovačkog državnog i društvenog tkiva.

KBSA odbacuje lažnu karakterizaciju "da se u BiH dogodio građanski rat". Prema internacionalno pravno utvrđenim i dokumentiranim postavkama, na Republiku BiH, 177. članicu Organizacije Ujedinjenih Nacija, izvršena je vojna agresija Srbije, Crne Gore i Hrvatske. Nad Bošnjacima je izvršen zločin genocida, niz ratnih zločina i zločina prema čovječnosti, što predstavlja grubo kršenje Povelje UN, Internacionalnog prava i Konvencije o genocidu.

IV – 1. Za KBSA postoji samo jedinstvena, demokratska, suverena i nezavisna država BiH, a Republika Srpska (RS) postoji samo kao dio ilegalnog, oktroiranog dejtonskog ustava, Aneksa 4.

Internacionalni sud pravde u Den Haag-u, vrhovni pravni organ Ujedinjenih Nacija, je Presudio da je RS rezultat genocida po Konvenciji koja ne samo zabranjuje genocid, nego i rezultate genocida smatra ništavnim. KBSA smatra da stranu kojoj se sudi na sudu i presudi, ne treba pitati za pravni sistem države BiH.

IV – 2. Za KBSA je bitno šta o budućnosti BiH i njenom ustavu misle stvarni subjekti prava, lojalni građani države koji je žele.

IV – 3. KBSA traži primjenu Presude Internacionalnog suda pravde, od

26. februara, 2007. A to nije samo novčana naknada, nego brisanje rezultata genocida, jer bez toga neće biti niti pravde, a niti novčane naknade.

IV – 4 KBSA ističe da bi prihvatanje bilo kakvih amandmana na Dejtonski ustav, značilo i prihvatanje Dejtonskog ustava nastalog na genocidu. To bi ujedno značilo odustajanje od Presude Internacionallnog suda pravde od strane same žrtve genocida, što niko u ime žrtve nema pravo učiniti.

IV – 5 Umjesto amandmana na dejtonskim osnovama (konsenzus sa Republikom Srpskom), KBSA traži potpuno novi ustav države BiH, koji će nastati na principima Povelje UN, Evropskog ustava i Ustava RBiH - od kojih niti jedan ne poznae etnički ili entitetski princip podjele vlasti. KBSA smatra da je građanin temeljna čestica univerzalnosti građanstva iz koje logika jednakopravnosti svih građana u pravima i dužnostima ne može izuzeti ikojeg pojedinca, a kamoli vjerske, nacionalne, ideološke ili političke grupe. KBSA ističe da je u BiH potrebno odkloniti ikakvu ulogu diktatora, pa pojавio se on iznutra ili bio delegiran izvana. BiH nisu potrebni ničiji i nikakvi diktatori.

KBSA šalje poruku svim građanima i narodima BiH, ni jedan predstavnik ni jednog naroda u BiH ne smije potpisati dokument kojim BiH gubi svoju historijski verifikovanu državnost na osnovu internacionalnog prava. To bi se desilo da je potpisani Aprilski paket ustavnih promjena ili Prudski sporazum. Tokom pregovora o novom ustavu, BiH ne smije učiniti ništa što bi dovelo u pitanje njenu državnost, jedinstvenost njenog državnog i društvenog tkiva, nezavisnosti i suverenosti po osnovu internacionalnih zakona. KBSA smatra da građani i narodi BiH mogu pobjediti mračne sile ekstremnih nacionilizama sa istoka i zapada.

V

Polazeći od stanja dezorientacije Bošnjaka, nedostatka jasne nacionalne politike, nejedinstva među lider-

ima, odsustva nacionalnog programa, krize autoriteta i međusobnog povjerenja, nepouzdanja u postojeće demokratski uspostavljene političke i institucionalne forme donošenja i provedbe odluka, a na osnovu razočaranosti američkih i kanadskih Bošnjaka dometima aktualne bošnjačke politike, KBSA podržava održavanje bošnjačkog sabora u organizaciji neovisne bošnjačke politički obrazovane i odgovorne inteligencije.

Sabor kao demokratska institucija i visoki izraz volje naroda sa obvezujućim odlukama, bi ponudio način rješavanja institucionalnih, državnih i nacionalnih pitanja.

To se posebno odnosi na oblast primjena zakona, jačanja demokratskog karaktera institucija političkog sistema, demokratizacije bošnjačkih političkih stranaka, lišavanja autoritarnog duha vječitim i nezamjenjivih bošnjačkih vođa koji guše svaku pamet, kreaciju i inicijativu.

Sabor bi javno pozvao na vladavinu zakona i odstranjivanje korupcije i nedoličnosti političara. Sabor se treba baviti i problemom ekonomskog i demografskog stagniranja Bošnjaka, stranih investicija i privatizacije. Za rješavanje ovih problema potrebna je elementarna državotvorna i teritorijalna svijest, poštivanje i provođenje zakona.

VI

KBSA podržava povratak sjevernoameričkih Bošnjaka u BiH. U tom smislu razmotriće formiranje posebnog tijela za povratak. Protjerani Bošnjaci se neće vraćati samo na osnovu obećanih kredita, već jedino ako dođe do političkog rješenja i stabilizacije države i društva u BiH. Krediti, bez ukidanja konzervativne agresije i genocida, bez pravne garancije očuvanja jedinstvene, nezavisne, suverene države BiH i otvorenog, slobodnog civilnog društva, bez jačanja osnovnih državnih funkcija - neće vratiti i održati protjerane Bošnjake.

Rezolucija je usvojena od delegata Skupštine KBSA u Grand Rapids-u, 28. februara 2009.

**OBRAČUNAJTE
TAKSU
ZAKONSKI
SIGURNO,
I PO
SUPER
POVOLJNOJ
CIJENI!!!**

**NAZOVITE NAS: 314-351-9599 ILI 314-494-6512
ILI POSJETITE: 3831 MORGANFORD RD, ST. LOUIS**



Health Coverage Made Easy.

Solutions with choices are easy, just call

Marilyn Milonas

Licensed Anthem Agent

314-923-5531 or 800-541-4254

www.marilynmilonas-insurance.com

Anthem

In Missouri (excluding 30 counties in the Kansas City area): Anthem Blue Cross and Blue Shield is the trade name for RightCHOICE® Managed Care, Inc. (RIT), Healthy Alliance® Life Insurance Company (HALIC), and HMO Missouri, Inc. RIT and certain affiliates administer non-HMO benefits underwritten by HALIC and HMO benefits underwritten by HMO Missouri, Inc. RIT and certain affiliates only provide administrative services for self-funded plans and do not underwrite benefits. Life and Disability products underwritten by Anthem Life Insurance Company. Independent licensees of the Blue Cross and Blue Shield Association. ©ANTHEM is a registered trademark of Anthem Insurance Companies, Inc. The Blue Cross and Blue Shield names and symbols are registered marks of the Blue Cross and Blue Shield Association.

www.dijasporabosnjacka.com




U slučaju hitne pomoći,
možete nam se obratiti i
bez ugovorenog termina
dobiti zdravstvenu uslugu

Lemay - 314-543-5294

Arnold - 636-717-6700

Fenton - 636-326-6100



Naši doktori su
spremni da vas prime
na pregled tokom cijele
sedmice, i pruže njegu
npr. kod bolova grla,
posjekotina,
kožne alergije,
zglobnih iščašenja,
povreda oka,
upala uha,
ujeda insekata...

dijaspora

Obilježen Dan nezavisnosti BiH u St. Louisu

Piše: Rusmin Topalović

Bosna je nezavisna i takva će i ostati



Sedmog marta je u St. Louisu svirala himna Bosne i Hercegovine i čitao se tekst nove himne. Bila je to noć ponosa, noć bosansko-hercegovačke tradicije, bošnjačkog identiteta. Dijana Mujkanović je pročitala tekst nove himne, a na licu svih u dvorani ponos. Naše djevojčice u prelijepim narodnim nošnjama, zaigrala kola bosanska, a uzdali se ote svakom u dvorani. A onda hor ilahija i kasida. A između svega, sevdalije. Nova organizacija „Svendah“ započela je s puno elana, izvođači poput Mire Grill i Sabine Fehratović osvajaju naša srca, a uskoro ćemo u St. Louisu imati organizovano i institucionalno zaštićenu muzičku tradiciju Bosne i Hercegovine, naše sevdalinke.

Specijalan dogadjaj sa specijalnim gostima. Prvo, gost, a možemo reci i domaćin, gradonačelnik grada St. Louis, g. Francis Slay. Možete misliti kakav odnos trebate imati sa gradonačelnikom jednog grada u USA, da on svoje obraćanje počne sa „Selamalejkum“, kao što ga poče iskreni prijatelj Bošnjaka St. Louis-a. A u toku su i izbori za novog gradonačelnika, na prvim izborima g. Slay je dobio ubjedljivo, a u finalnom krugu se očekuje još lakša pobeda. Zna gradonačelnik Slay da su njegovoj pobedi doprinijeli i glasovi Bošnjaka, te se svima javno zahvalio i pozvao ih da u aprili na posljednjim izborima ponovo daju glas. Potvrđio je



Hor ilahija i kasida

BASVBH, i novu Rezoluciju o BiH i ustavnim reformama, a koja je podigla toliku prašinu u manjem entitetu. Muratović je pozvao prisutnike da budu spremni da svojim donacijama pomognu rad BASVBH.

Druga gošća je stigla iz Tuzle. Beba Hadžić je direktorka Bosfama, organizacije koja djeluje u Tuzli i pomaže ženama iz Srebrenice i Podrinja, koje su ostale bez svojih najmilijih da svojim radom i proizvodnjom tradicionalnih bosanskih čilima zaliće duševne rane ali i obezbijede egzistenciju za



KUD Đerdan



Murat Muratović i Beba Hadžić
da Bošnjaci znaju svoje pravo glasa da koriste i zahvalio im se na doprinosu demokratskim procesima.

Subota, 7.mart je pala uoči Međunarodnog dana žena, a gosti pored Francis Slay su bile tri izuzetno vrijedne i sposobne žene: Alison Sluiter iz Washington DC (Advocacy Project), Elmina Kulašić iz Washington DC (Bošnjačko-Američko Savjetodavno Vijeće za BiH) i Munira Beba Hadžić iz Tuzle/Srebrenice (Bosfam).

Gošće je predstavio Murat Muratović, predsjednik Koordinacije KBSA. Pohvalio je Elminu Kulašić za njen izvanredan rad u uredu u Washingtonu DC. Muratović je uporedio budžet organizacije sa kojim raspolažemo u DC sa placanjem Republike Srpske lobističkoj agenciji u DC, cijeli godišnji budžet je više od dva puta manji od mjesечnog plaćanja RS, koja lobira za svoju vlastitu državnost i time čini direktni pokušaj razgradnje države BiH. Elmina Kulašić je pojasnila djelovanje

BON AVIA TRAVEL
Najbrže usluge s najboljim cijenama

AVIO KARTE ŠIROM SVIJETA
ARANŽMANI I KRSTARENJA
PREVODIMO S ENGLESKOG I NA ENGLESKI
GARANTNA PISMA

mirela@bonavia.com

5708 N. Western Ave. Chicago, IL 60659
Office: 773.956.0700 Fax: 773.784.6423 Cell: 773.956.0655



Srebrešnički čilim sjećanja

sebe i svoju djecu. Posebno je važan projekat čilima sa imenima nastradalih u genocidu u Srebrenici, a o kojem smo ranije pisali u našem listu. Beba Hadžić je poklonila dva čilima Muratoviću u znak zahvalnosti za podršku koju je dobila u proteklom periodu, a na licu mesta su bili izloženi čilimi za



koje su donirali građani iz St. Louis-a.
Bila je to jedna lijepa noć, i na kraju treba dodati da je program manifestacije vodio je Hajro Smajić, a za muzički dio bili su zaduženi Kasim, Tambura i Halid Delić.

Zabrana za nemoralnu učiteljicu Selmu Bajrami



Regulatorna agencija za komunikacije BiH zabranila emitovanje spota Selme Bajrami u kome ona razgolićena „podučava“ osnovce

RAK je uputila je pismeno upozorenje TV stanicama da ne emituju spot folk pjevačice Selme Bajrami za pjesmu „Nana“. Prema njihovoj procjeni, sadržaj spota u kome Selma, kao provokativna učiteljica, u miniću i sa dubokim dekolteom u učionici igra na stolu i dijeli slatkiše djeci narušava javni moral.

Selma Bajrami spotom pokušava da zainteresuje učenike, primenjujući metodu „potkupljivanja“ bombonama i skidanjem odeće. Poruka spota dovodi u pitanje dobrobit i dostojanstvo djece i malolejtnika - stoji u saopštenju RAK-a.

Femininem

Bez karte za Moskvu

Završilo se i ovogodišnje takmičenje hrvatske pjesmu za pjesmu Eurovizije. U velikom finalu ovogodišnje „Dore 2009“ pobjedu je odnijela pjesma „Lijepa Tena“. Gledaoci su u finalnoj večeri svojim pozivima mogli odabratkoće predstavljati Hrvatsku na ovogodišnjem Eurosongu, ali uz njih ocjenu je davao i stručni žiri koji je najviše glasova (57 od ukupnih 60) dao pjesmi „Poljupci u boji“ grupe Femininem što je zasigurno veliko priznanje djevojkama, a i ujedno 3. mjesto u konačnim rezultatima. Iako djevojke nemaju kartu za Moskvu, sudeći prema reakcijama publike i žirija, ne sumnjamo da će „Poljupci u boji“ osvojiti top liste radio stanica i postati pravi hit.

estrada

Zajednički koncerti

Emina Jahović i Mustafa Sandal

Jedan od najpopularnijih muzičkih parova Mustafa Sandal i Emina Jahović odlučili su nakon dužeg odmora, krenuti s poslovnim aktivnostima. Ovaj bračni par uskoro počinje s koncertima širom svijeta

- Presretan sam čovjek. Oženio sam najbolju i najljepšu ženu na svijetu. Ona je dokaz da su žene na Balkanu najbolje. Sin je naš centar svijeta i najviše pažnje posvećujemo njemu. Ipak, mislim da je vrijeme da se vratimo starim obvezama, tako da oboje nastavljamo sa započetim poslom. Ne mješamo se previše jedno drugom u karijeru i to je ustvari ono što nas i čini jačim - rekao je Mustafa Sandal. Naime, Emina Jahović, tik prije poroda završila je sa snimanjem novog albuma. Kako smo saznali, uskoro kreće sa promotivnim

koncertima. Njen suprug Mustafa, takođe želi ispuniti očekivanja fanova, pa je počeo sa snimanjem novog albuma.

- Emina uskoro dolazi u BiH, gdje će održati turneju, a postoje mogućnosti i da joj se pridružim. Čuo sam puno lijepih stvari za tu zemlju i bit će mi zadovoljstvo pjevati tamo. Naš cilj je da obradujemo publiku i mislim da u zajedničkim nastupima nema ništa loše. Čak je veća čar kada se supružnici zajedno pojave na bini - kaže Sandal.



Eurosong 2009

Bistra voda za finale Eurosonga

U RTV domu u Sarajevu je i ove godine organizovan party nakon premijernog izvođenja pjesme "Bistra voda", s kojom će četvorčlan bend "Regina" u maju predstaviti BiH na 54. izdanju Izbora pjesme Evrope u Moskvi

Mnogi su komentarisali da pjesma „Bistra voda“ i članovi „Regine“ podsjećaju na neke regionalne ili svjetske hitove i zvijezde.



- Čuli smo da ličimo na 'Plavi orkestar', pa na 'U2', te 'Pet shop boys'. Dobro. Uvijek će biti poređenja i to je sasvim normalno. A i lijepo je to čuti, 'Pet shop boys' su poznati svjetski bend. Zašto 'Eurosong' ne bi bio vrhunac naše karijere? To je lijepo kada ti se desi u životu - objasnio je Ebner. U pripremi za show Regina je posjetila Gorana Bregovića koji ih je ugostio u svojoj vikendici na Jahorini. Muzičari ovog sarajevskog benda i Bregović snimili su muzički prilog, tačnije za-

**Eurovision
SONG CONTEST**

jedno su izveli "Bistru vodu", što je emitovano u "BH Eurosong Showu" na BHT 1.

Nakon zajedničke svirke, Bregović im je poručio da u Moskvu ne idu ako ne misle pobijediti.

"Momci iz "Regine" imaju veoma dobru pjesmu, poslušao sam je još prije mjesec. Naravno, želim im dosta sreće na Eurosongu. Najbitnije je da se oni vrate zadovoljni s onim što su uradili i s rezultatima koje su postigli. Siguran sam da će postići visok plasman" rekao je Bregović.

Lud, zbumen, normalan

I nove epizode o seksu, lopovlucima, homoseksualizmu...

Scenarista Feđa Isović piše osam zadnjih epizoda "Lud, zbumen, normalan" ujedno najavljujući završetak ove TV serije za proljeće

- Iskreno, umorio sam se od pisanja serije i treba mi malo odmora. Želio bih se okrenuti nekim drugim projektima jer me "Lud, zbumen, normalan" zaokuplja u potpunosti. Potrebno mi je da malo prodišem - rekao je Feđa Isović. Scenarista najavljuje da se u porodici Fazlinović do proljeće ništa drastično neće desiti baš kao što je i do sada svaka epizoda bila priča za sebe.

- Serija se bavila i bavit će se seksom, lopovlucima, homoseksualizmom, i sličnim stvarima. Tako je zamišljena i ako bismo ukinuli te stvari, imali bismo neku drugu seriju. Mogu najaviti još škakljivije teme nego što su bile do sada. Seriju "Lud, zbumen, normalan" u posljednje vrijeme često prate ko-



mentari da ima previše nepristojnih scena, a na programu je nedjeljom u 20 sati na Federalnoj TV kada je uglavnom cijela porodica na okupu pred malim ekranima.

- To što je djeca gledaju, nije moj, već problem roditelja. Ja sam kao dijete išao spavati u 19.30 sati. Prije svega,

kada sam pisao priču nisam znao u kojem će terminu serija biti emitirana. Ovom prilikom pozivam sve roditelje ako misle da će serija narušiti odgoj njihove djece, da im ne dopuste da je gledaju. Seriju nisam pravio ni za djecu ni za ljude koji su opterećeni moralom - završava Isovici.

U Sarajevu

Lepa Brena kod "Želje" na čevapima

Folk pjevačica Fahreta Jahić, alias Lepa Brena, nakon 18 godina ponovo je posjetila Sarajevo

- Kada posle toliko godina dođeš u mesto koje voliš, naravno da te preplavi bujica emocija. Toliko toga mi je proletelo kroz glavu, kao neki film. Toliko divnih uspomena me veže za Sarajevo. Ovde sam provodila vreme družeći se s ljudima...Pevala sam u „Zetri”, na Skenderiji... - rekla je Brena za „Dnevni avaz” samo nekoliko minuta nakon dolaska u Sarajevo. Prva odrednica Brene i njenih saradnika bila je poznata čeabđinica „Željo” na Baščaršiji, gdje je nenajavljeni dolazak pjevačice izazvao pometnju. Nakon toga, Brena se uputila u „Kamerni teatar 55” da pogleda pozorišnu predstavu „Žabe”, a potom je glumac Emir Hadžihafizbegović za pеваčicu i njenu ekipu priredio večeru u restoranu „Cappuccino”.



Novi album grupe Hari Mata Hari

I ja sam volio djevojku iz grada



Poslije četiri godine Hari Varešanović u martu najavljuje novi album grupe „Hari Mata Hari”, na kome će biti čak tri dueta - s Miroslavom Ilićem, Halidom Bešlićem i Edinom Karamazovim


„I ja sam volio djevojku iz grada“ će biti objavljen u svim republikama bivše Juge, a kao singl Hari najavljuje duet s Bešlićem „Sreća“, autora Dina Merlini.

Prije snimanja albuma Hari je organizovao anketu na svom fan-sajtu, a fani benda mogli su da predlažu potencijalne kandidate za duetske pjesme s Varešanovićem. Najviše predloga bilo je da Hari snimi duet sa Zdravkom Čolićem (27 %), Dinom Merlinom (21 %), Željkom Joksimovićem (16 %), Cecom Ražnatović (10 %).

Donna Ares

Ko je ukrao pare?

Snimak pjesme „Pare, pare“ ukraden je sa Donninog sajta i pušten na sve internet-stranice s kojih se može skidati muzika



Dok traje njihova skandinavska turneja desila im se neugodnost u vezi s novim CD-om, koji je svjetlo dana trebalo ugledati 14. februara, na Dan zaljubljenih. Snimak pjesme „Pare, pare“ ukraden je sa Donninog sajta i pušten na sve internet-stranice s kojih se može skidati muzika. Mušički par najviše je nuda polagao u pjesmu „Pare, pare“, čiji je autor Donna Ares, a koja je trebala biti i najavni singl CD-a. No, kako tvrde Donna i Džavid, prije nekoliko dana haker iz Sarajeva je ukrao pjesmu „Pare, pare“.

- Haker je čak ostavio i poruku: „Hvala što ste mi omogućili da prvi čujem novu Doninu pjesmu.“ Uskoro je snimak te pjesme preplatio sve internet-stranice s kojih se može skidati muzika - govori Ljubovi.

Mislili smo tu pjesmu plasirati kao najavni singl. Sada će to morati biti neka druga numera, a ostale nove pjesme, nakon ovog iskustva sa hakerima, nećemo stavljati ni blizu interneta - poručuje Džavid. Ovaj će događaj prolongirati izdavanje Donninog novog materijala za mjesec.

Nogometni turnir u povodu Dana nezavisnosti u St. Louisu

Prvo mjesto pripalo NK BiH

Učešće na turniru u povodu Dana nezavisnosti BiH uzelo je 9 timova iz St. Louisa i jedan iz Grand Rapidsa



Najmlađi učesnik turnira – Alen Palislamović

U St. Louisu nije prošao nijedan državni ili nacionalni praznik, a da se nije održao sportski događaj u to ime. I ovaj put, Emir Mulalić se potrudio da se mladost i iskustvo spoje u nogometnim razigravanjima, koje se održalo u izuzetno teškim vremenskim uslovima uzimajući u obzir temperature daleko ispod nule.

Učešće na turniru u povodu Dana nezavisnosti BiH uzelo je 9 timova iz St. Louisa i jedan iz Grand Rapidsa. Timovi su izvlačenjem raspodijeljeni u tri skupine.

U skupini A razigravali su Guber, Jedinstvo i Žepa, gdje je ekipa jedinstva ostvarila obje pobjede. U skupini B razigravali su Truhli, Partime, Ljiljan Gr. Rapids i SC Drina. U ovoj skupini su čak četiri utakmice završene neriješenim rezultatom, dok je Drina dvije izgubila, od Ljiljana 0:2 i od Truhih čak 0:3. U skupini C igrali su najbolji, NK BiH, Beton i Bosna United. Beton je dobio utakmicu protiv Bosne United (1-0) pogotkom Feđe, dok je u utakmici sa

NK BiH igrao neriješeno 1:1. Takođe NK BiH i Bosna su remizirali 1:1. U četvrtfinalnim utakmicama, Jedinstvo je savladalo ekipu Truhli sa 1:0, Selver Germić je bio jedini strijelac. Bosna United je izgubila utakmicu od ekipe Beton nakon boljeg izvođenja penala (1:2). NK BiH je bio bolji od ekipe Guber nakon penala takođe 3:1. U posljednjoj četvrtfinalnoj utakmici Pertime je slavio pobjedu od 2:0 protiv Žepe.

Polufinalne utakmice su donijele još veće borbe ali i iznenađenja.

Prvoje NK BiH, golovima Alena Ibričića i Taiba Dedića, slavio pobjedu nad ekipom Beton, dok je u drugoj polufinalnoj utakmici priređeno iznenađenje od ekipe Partime u utakmici protiv favorizovanog Jedinstva. Ekipa Partime je golom u 1. minuti uspjela doći do

Rasplet turnira

Beton popustio ali nije NK BIH

U utakmici za treće mjesto Jedinstvo je ostvarilo pobjedu protiv Betona 3:1.

A finalna utakmica i nije bila baš previše ravnopravna igra dva protivnika. Na terenu je postojala samo jedna momčad – NK BiH. Emirovi izabranici su do nogu potukli ekipu Partime sa visokih 4:0. Golove su postigli Anel Ibričić (2) i Senad Njonjo (2).

Time su igrači NK BiH zaslужeno osvojili prvu nagradu pehar i medalje plus 700 dolara. Za najbolje pojedince su izabrani: Alen Jujić – najbolji igrač, Anel Ibričić – najbolji strijelac, Ilfan Kudić – najbolji golman.

Revjalni nastup

Veterani za pamćenje

Veterani Bosne i Jedinstva su također bili sudionici na turniru. Oni su prije polufinalnih utakmica odigrali prelijepu utakmicu, koja je ipak završila 0:1, da bi veterani Jedinstva penalima pobijedili sa 2:1, a onda su svi zajedno otišli na zajednički ručak.



Detalj sa utakmice NK BiH - Bosna United

prednosti koju je uspješno sačuvala do kraja utakmice i tako ostvarila veliki i neočekivani ulazak u finale.

Sve u svemu, puno uzbudjenja i lijepih poteza, sve čestitke Emiru Mulaliću na dobroj organizaciji ovog turnira. Ovo ne treba da zasjeni ni mali incident sa ekipom Ljiljan iz Grand Rapidsa, koju vodi Mirza Jelovac, a koja je napus-

tila teren u utakmici sa Žepom, nakon grubog starta nad igračem Ljiljana. Mirza Jelovac i njegov tim su redovni gosti u St. Louisu i u budućnosti bi trebalo povesti računa da se ovakve stvari izbjegnu.

Tekst, foto
Sead Muratović



Pobjednik Turnira – NK BiH



Veterani Jedinstva



Veterani Bosne



Drugoplasirani tim "Part-time"

Savjetodavno vijeće

Novi članovi Povjereničkog odbora

Bošnjačko-američko Savjetodavno vijeće za BiH je nedavno dopunilo svoj Povjerenički odbor sa novim članovima

Bošnjačko - američko savjetodavno vijeće za BiH (BAACBH) izrazilo je zahvalnost i odalo priznanje članovima Povjereničkog odbora u odlasku, naglasivši da je njihov angažman od samog osnivanja BAACBH doprinio razvoju ove respektabilne organizacije koja promoviše interes Bosanskohercegovačke dijaspore i države Bosne i Hercegovine u Washington DC-u.

Rad Bosnjačko-američkog Savjetodavnog vijeća se pored ostalog zasniva i na tjesnoj suradnji sa lokalnim zajednicama širom SAD-a. Novi članovi Povjereničkog odbora su zalaganjem i konkretnim aktivnostima u svojim lokalnim zajednicama uni-

jeli svježi duh i dinamiku u rad što će se zasigurno odraziti na buduće rezultate Savjetodavnog vijeća. Novi članovi BAACBH su: Faruk Bogučanin, Amir Čačković, Selma Dautovic-Toskić, Kasim Delalić, Sulejman Dizdarević, Husein Hadeiba, Mersiha Hadžiahmetović, Lejla Hadžić, Irfan Mirza, Denis Mrkva i Amir Ovčina.

Savjetodavno vijeće će, prilagođa-vajući se novom političkom okruženju i uslovima rada u Washington DC-u, nastaviti i ubuduće sa promjenama i strukturi organizacije, uključujući i promjene u Upravnom odboru a sve u cilju što efikasnije promocije interesa BiH dijaspore i države Bosne i Hercegovine.

Trenutni projekti

Prijedor: Lives from the Bosnian Genocide

Kako bi kroz razne edukativne programe osiguralo kontinuitet u promovisanju istine o Bosni i Hercegovini u Američkom kongresu, Savjetodavno vijeće radi na pripremi nekoliko projekata za naredni period. Između ostalog, planirana je i izložba pod nazivom "Prijedor: Lives from the Bosnian Genocide", koja je postavljena na Capitol Hill-u 26. februara 2009. godine, a potom na nekoliko univerziteta u Washington DC-u, te se nadamo kako će joj krajnje odredište biti Holocaust Memorial Museum.

Namjera je takođe organizovati "Dan bosanskih žena" na Capitol Hill-u sa



motivom majki koje se poslije rata bore za prosperitetniji život svojih porodica, izradom tradicionalnih bosanskih proizvoda heklanjem i vezom. U okviru ovog projekta, uz pomoć Henrich Boell Foundation, planirane su posjete i predavanja u gradovima Chicago, St. Louis i New York.

Nas planski rast je duboko vezan za uspjeh nasih ovnera operatora.
Suradujte sa nama!

(616) 956-0443
www.scopetrans.com
Jasminko Hodžić | Mujo Cuturic

Kultura

Bosanskohercegovački pisci na festivalu u Luksemburgu

Od 13. do 15. marta 2009. godine u Luksemburgu će se održati 26. festival emigracije. Na festivalu će učestvovati stvaraoci iz brojnih zemalja, između ostalog iz: Španije, Kube, Malija, Belgije i Italije, Konga Meksika, Bosne i Hercegovine, Francuske, Albanije, Luksemburga, Katalonije, Portugalije...

Kakvog obima je manifestacija pokazuje podatak da u okviru tog festivala nastupi oko 100 književnika iz oko sto zemalja širom svijeta. Skoro da nema zemlje u svijetu koja neće imati svoje predstavnike: pisce, pjevače, kulturno-umjetničke grupe i razne druge poslanike kulture. To je festival koji traje tri dana i koji posjeti većina stanovnika ove zemlje a dodu i posjetiocu iz susjednih zemalja, pogotovo Francuske.

Iz Bosne i Hercegovine do sada su na festivalu učestvovali: Marko Vešović, Damir Uzunović, Hadžem Hajdarević, Kristina Mrđa, Faiz Softić. Ove godine na festival su pozvani pisici: Mehmed Đedović, Faiz Softić, Safet Sijarić i Nijaz Hajdarović koji živi u Belgiji. Dolazak pisaca svake godine je u koorganizaciji sa Faizom Softićem koji živi u Luksemburgu.

Osim zvaničnog dijela na festivalu gosti iz BiH će imati nekoliko nastupa u organizaciji bosanskog udruženja, a planiran je i jedan nastup u gradu Lježu u Belgiji gdje će Đedović i Sijarić promovirati knjigu Nijaza Hajdarovića te će i sami čitati dijelove iz svog književnog opusa. Nastupi BH pisaca su u pravilu izuzetno posjećeni kako od ljudi sa područja ex - yu tako i iz drugih zemalja. Bosna još uvek pobuđuje interesovanje velikog broja ljudi u cijelome svijetu. Ove godine na festivalu će biti razgovora o prevodima i drugih pisaca iz BiH. Moderator ovog nastupa biće Mubina van Venn Isović počasni bh. konzul u Luxemburgu. Ovaj tradicionalni festival predstavlja jedinstvenu smotru multikulturalizma i različitosti u Evropi i šire. Organizator festivala je vlada Luksemburga.

HACKING LAW PRACTICE, LLC

ATTORNEY JAMES O. HACKING, III

- IMMIGRATION
- GREEN CARDS
- CITIZENSHIP
- FAMILY VISAS
- DEPORTATION
- WRONGFUL DEATH
- AUTOMOBILE ACCIDENTS
- WORKPLACE INJURIES
- FELONIES & MISDEMEANORS
- TRAFFIC TICKETS



BOSNIAN TRANSLATION AVAILABLE!
IMAMO BOSANSKE PREVODIOCE!

HACKING LAW PRACTICE, LLC
WWW.HACKINGLAWPRACTICE.COM
2000 S. HANLEY ROAD
ST. LOUIS, MISSOURI 63144
PHONE: (314) 646-0099
EMAIL:
INFO@HACKINGLAWPRACTICE.COM



Piše:
Mugdim Karabeg

Američki dugoročni dnevnik (4)

Poraženi pobjednik „Ludi konj“



Kaster sa svojim borcima na Malom Rogu

21. AVGUST, 1995.

Juče, 20. avgusta 1995. godine, spustili smo se na mamutski aerodrom Chicaga O'Hare. Imigracione službe nam na licu mjesta ovjeravaju „bijele kartone,“ da imamo pravo ostati na tlu SAD i trenutno pravo na rad. Za druge „bespravne,“ useljenike to je san od snova! Oni su bez ikakvih službenih dokumenata na tlu SAD, kriju se po predgrađima gradova, rade bespravno za „male dolare.“ Ima ih danas na tlu Amerike preko dvanaest miliona.

Prenoćili smo u privatnoj kući kćerke Ivane i zeta Gorana, koji su u SAD već sedmu godinu. Goran radi za jednu čikašku kompaniju već 15 godina pa su malo prije sukoba u BiH došli u Čikago da ostanu dvije godine, kako bi im djeca naučila engleski. Ali to „dvije godine,“ postade zavazda. Zbog ratnih sukoba i agresija u BiH i njihovom Mostaru.

Napisah „prenoćili smo,“ jer to je najbolji izraz za situaciju kad čovjek leži u krevetu, a cijelu noć nikako da sklopi kapke na

očima. Uzbuđeni smo, nema šta. Nije šala iz vihorom rata zahvaćenoj BiH i Mostaru, nakon granata, ubijanja, muka u koncentracionom logoru Dretelj, na tlu smo najveće sile svijeta – Sjedinjenih Država.

Ustajemo prerano, vani još nije potpuno svanulo. Izlazimo da prošetamo oko kuće, da vidimo gdje smo i jesmo li oni isti od prije dva dana. Pored kuće, na stotinjak metara udaljenosti, željeznička trasa sa tri kolosijeka. Svakih petnaestak minuta sve se trese od vozova koji idu istok – zapad, zapad – istok. Nebom prelijeci u niskom letu veliki putnički avioni koji se dižu sa obližnjeg aerodroma O'Hare. Prati ih zaglušna grmljavina moćnih motora. Iako je dosta rano, ulicama oko kuće već brundaju automobili onih čije radno vrijeme počinje oko 6 ili 7 sati izjutra. Taj zgužvani promet, ta neprestana buka, kao da objavljuje svijetu kakva je sila Amerika! Mi mislimo da smo u city Čikagu, a ubrzo saznadosmo da smo u community Elmhurs. Dvadeset milja odnosno 37 kilometara daleko od dauntauna

velegrada na Mičigenskom jezeru, koji sa predgrađima broji više od deset miliona stanovnika. Jesmo li to u „Alisinoj zemlji čudesa,“ - iz one priče koja zabilježi djecu?

21. AVGUST, 1995, VEĆ JE GRANULO SUNCE

Sredina je ljeto. Dan se brzo budi pod sve jačim vrelinama sunčevih zraka preko cijelog Čikaga i još mnogo, mnogo dalje. Već smo obišli nekoliko obližnjih ulica, razgledavajući radoznalo kuće, dvorišta i baštice punе cvijeća. Sve same privatne zgrade, jednospratne i dvospratne. Nema sumnje odaju bogatstvo, ali ipak kao da im nešto nedostaje. Liče nam na oficire kraljevske garde, u svečanim odorama, svrstane, rame uz rame, u krute vojničke redove. Nekako su, i pored sjaja, te kuće ukočene, ne prijanjuju za srce, daleko od duše. U gradovima naše domovine svaka je nekako „samo svoja,“ različita, arhitekturom, okolnim cvijećem i prirodom, od svake druge. Svaka za sebe unikatno djelo čovjeka.

Na svakoj se pogled dugo zadržavao, prijanjao uz prisne detalje građevinarstva, odmarao na njima i uživao u raznolikosti. Velegrade, Čikago, svaka ti čast na veličini i bogatstvu! Ali neka nam ostavljaš dušu praznom kad te osmatramo. Tvoja ljetopita je hladna, kao kod lijepa, ali uobražene, nacifrane dame, koja je bogata, ali bez šarma i unutrašnje vatre!

Čujemo kako iz susjedne bašće zaglušno zvrnda nekakva mašina. Vidimo čovjeka srednjih godina, u modrom radnom odijelu i sa rukavicama na rukama, kako pokreće tamо – amo jednu kosilicu. Priđosmo mu bliže u nadi da uspostavimo prvi kontakt sa prvim Amerikancem na tlu Amerike. Rekoh na mom Oxford English Languagu, što će reći oksfordskom engleskom izgovoru koji sam učio u gimnaziji i na fakultetu: Gud Morning! Eli beeed keč d weew! U prevodu: Dobro jutro. Rana ptica lovi crve, što se kod nas kaže: ko rano rani - dvije sreće grabi.

Amerikanac zastade, ugasi motor kosilice i gleda me u nedoumici. Ja ponavljam pi-

tanje. On opet šuti. Žena mi šapnu na uho: Reci mu: Erli berd keč d werm!. To jest da se u svakoj riječi dobro čuje ono „r., Jer u engleskom oksford jeziku nema onog „r., u izgovoru, a ovdje ima. Amerikanci ga izgovaraju. Ja je poslušah i naš komšija se široko nasmija. Jes, jes, mister. Erli berd keč de werm ! Tako sam počeo sa „oksford engleskog, poslako prelaziti na „amerikan engleski, što nije bio lagan posao. Time pravimo prve korake tek prohodalog djeteta na tlu te čudesne zemlje nazvane Amerika.

POČETAK FEBRUARA, 2009.

Predsjednik Obama uporno ubjeđuje i senatore Republikanske stranke da glasaju za njegov „finansijski paket, od 800 milijardi. Koji će poslužiti kao novčana transfuzija malokrvom američkom financijsko – ekonomskom organizmu. Njemu se žuri, ali Republikanci, članovi Kongresa, odbijaju da glasaju za tu ogromnu sumu. Prave niz primjedbi, kažu da postojeći plan neće pomoći povećanju zaposlenosti i smanjenju krize. Nekadašnji kandidat Republikanaca za predsjedničko mjesto MakKejn razgalamio se na TV ekranu kako će ta zaduženja od blizu 800 milijardi otplaćivati njegovi i naši unuci i prawnici. Ne spominje, međutim, da je Obami ostavio „u miraz, čak hiljadu i dvije stotine milijardi državnog deficita. I ne kaže čiji će unuci namirivati tu sumu. Ali Obama ne popušta. Najzad su članovi kongresa izglasali 780 milijardi dolara kao prvu pomoć. Republikanski kongresmeni bojkotuju Obamu, samo nekolicina glasa ZA. Vjeruju da će novi predsjednik doživjeti neuspjeh sa svojom financijskom intervencijom, da neće pomoći ekonomiji i finansijama i unaprijed se raduju tom mogućem promašaju. To što bi, u slučaju promašaja nove Administracije, ceh gubitaka platiti svi Amerikanci, njih mnogo ne uzbuduje. Važno je da se Demokrate obrukaju pred narodom i svijetom i da republikanska politika trijumfuje. A narod je uvijek ispaštao zbog promašaja vlasti, pa neka mu to bude i sada kad je u većini glasao za Demokrate. Tako „politika – kurtizana, još jednom iskazuje svoju pokvarenu čud!

JANUAR, 1996.

Pozivaju me da u centru Dauntauna Čikago, za neku grupu intelektualaca, održim kratko predavanje na temu „Šta se događa na Balkanu i u BiH,? U velikoj sali jednog nebodera okupilo se nekoliko stotina predstavnika raznih humanitarnih organizacija. Vidim, po boji koža i izgledima lica, da tu ima, uz rođene Amerikance, ljudi iz cijelog svijeta. Dali su mi 20 minuta da kažem ono što je najvažnije vezano uz rat u BiH. Ja, na govornici, skidoh ručni sat sa zglavka, stavih ga ispred sebe, govoreći: „Poznata istorija Balkana traje barem tri hiljade godina. Vi

ste mi dali termin od dvadeset minuta. U redu, da počnemo!,, Rekoh: I vi, sigurno, imate u glavi izreku da je Balkan krčma odnosno birtija, sa poglašenim svjetlima, u kojoj đilkoši nasumce pucaju iz pištolja. U redu, neka sad - zasad bude tako. Treba, međutim, da znate da su preko Bal-

goslavije plod je dugo i sistematski razvijanih nesporazuma između pravoslavlja, katoličanstva i islama, između Srba, Hrvata i muslimana – Bošnjaka. A nacionalno vjerske mržnje su teško shvatljive, one nemaju korijenje u nekom opipljivom uzroku zla, već su neuhvatljive, mentalne prirode, plod

porazio američkog generala Džordža Kuka, godine 1876. Osam dana kasnije njegovi borci su se ulogorili u ovećem indijanskom naselju na području Little Bighorna, odnosno Malog Velikog Roga u jugoistočnom kutu Montane, da predahnu. Ne sluteći da će za koji dan doći do odlučujuće, krvave bitke sa američkom konjicom, koju predvodi mladi ali iskusni oficir Džordž Armstrong Kaster.


Skrećemo sa autoputa 94 na autostradu broj 90 i zaustavljamo na nešto malo brdovitom, zelenom terenu Little Bighorna, u Montani blizu granice Vajominga i Južne Dakote. Da se upoznamo sa tokom najžešćeg okršaja Indijanaca i Amerikanaca tokom dugih godina sukoba te dvije strane.

25. JUNI 1876.

Maja 1876. godine krenula je sa istoka na zapad SAD dugačka kolona od 225 konjanika američke savezne armije prema područjima Dakote i Montane. Na čelu joj je bio hrabri i u bitkama oproban Džordž Armstrong Kaster. Istakao se u borbama za vrijeme građanskog rata Sjevera i Juga za oslobođenje robova, na strani snaga sjeverne Unije. Sa 23 godine dobio je čin generala Unije.

Kada je Kasterova konjica stigla u Montanu počela je potraga za „neposlušnim,“ Indijancima poglavice Ludi Konj koji nisu htjeli da odu u rezervate, prema naredbi Savezne vlade Sjedinjenih Država. Kaster i njegovi oficiri očekivali su da će u naselju u blizini Bighorna zateći samo par stotina žena, djece i desetinu naoružanih Indijanaca. Ali pošto se tu našla skupina poglavice Crazy Horse, broj Indijanaca je iznosio gotovo dvije hiljade. Ipak samouvjereni Kaster je podijelio svoju konjicu u dvije kolone i počeo sa napadom. Ali indijanski borci su opkolili obe Kasterove kolone i potisnuli ih na brežuljčice Little Bighorna. I tu je počeo masakr. Začudo, američki vojnici imali su već zastarjele puške koje su morali puniti svaki put prije ispaljenja metka. A Indijanci su posjedovali automatske, sa nekoliko metaka u šaržerima. Preciznim pogocima ubijali su jednog po jednog američkog konjanika. Predveče na prostranom području Bighorna ležalo je 225 ubijenih Amerikanaca. Indijanci su bez milosti likvidirali i one ranjene, jer su im prije toga američki vojnici nanijeli mnogo zla širom Amerike. I uzimali im skalpove. Pao je i sam Kaster.

Bila je to najveća pobeda Indijanaca nad redovnom vojskom, ali i njihov zadnji podvig i triumf nakon što ih je „bijeli čovjek,“ progonio nekoliko decenija prostorima SAD i satjeravao u rezervate. Na području Montane bilo je, prije masovnijeg dolaska bijelaca, oko 12 miliona bufalata koji su bili glavni izvor hrane i koža za obuću i odjeću Indijanaca. Sredinom 19. vijeka, poslije pronalaska zlatnih žila u Kamenim planinama i Kaliforniji i agresije kopača tog dragocjenog metalala, os-



Numan ispred svoje figure u Sacaramentu

kana, tokom trideset stoljeća, protutnjali razni narodi i plemena, manje ili više divlji i neobrazovani. Goti i Vizigoti, Germani, Franci, Sloveni, Avari, Huni, Venecijanci, Latini, Daorsoni, Iliri, Ugari... Preko njega su tutnje vojske Osmanlija, Napoleonove legije, Austrougari, njemačkih, talijanskih, mađarskih, bugarskih i drugi nacista i fašista. Tu se začeo, u našem Sarajevu, Prvi svjetski rat. Svi ti zavojevači ostavili su u našoj zemlji po nešto dobra, ali daleko više zla. Donijeli su sobom razne kulturne, ali i mnoge nekulture. Ostavili su tri vodeće religije koje nikad nisu među sobom našle jezik punog razumijevanja, saradnje i mira, već su bile inspiracija za stalne sudare, nesporazume pa i krvava klanja. Pitam se, međutim, zašto samo Balkan smatraju prokletim i isčašenim? Zar nije carski dvor u Beču, koji se hvalio svojim sjajem, duhovnim uzdignućima i prodorima u moderna vremena, zagazivši osvajački na Balkan postao gori od svih Balkanaca? Zar nije i super - kulturna Njemačka, u periodu Hitlerove strahovlade, bila Balkan svih balkana, jer je skrivila izginuće šezdeset miliona ljudi? Nije li i Musolinijeva Italija, u Srednjem vijeku središte reformacije i ljudskog duha i stvaralaštva i bajraktar Renesanse, bila desetak godina zemlja vukodlaka?

I ovaj najnoviji sukob na tlu bivše Ju-

ludske uobrazilje da je zlo ono što u stvari nije niti je ikad bilo zlo. Ne, ja vam ne znam objasniti odakle to da smo se sada ponovo međusobno sudarili i poklali. Jer to je sve bilo van pameti, a kako smisljeno objasniti ono što nema u sebi nikakvog smisla. Kako logiku upotrijebiti u nelogičnim prilikama? I da vam kažem nešto na kraju, nemojte se ljutiti. Najveći Balkan u istoriji svijeta bila je vaša zemlja, a sada i moja druga domovina, Sjedinjene Američke Države. Od trenutka kada je Kolumbo pronašao ovaj dio zemljine kugle pa sve do završetka građanskog rata Juga i Sjevera, za vrijeme strahovitih bitaka za oslobođenje crnih robova pod humanom devizom predsjednika Linkolna. To je, uzgred budi rečeno, bio najkrvaviji građanski rat sve do ruske revolucije, u kojem je stradal pola miliona ljudi kada je Amerika brojala samo petnaest miliona stanovnika, a mržnje su ostale dugo da traju iza tog krvavog sukoba!,,

JULI, 2007.

Evo nas na području Rezobuda u središnjoj Montani. Vreo ljetnji dan, živa je blizu četrdesetog podioka celzijusovih na termometru. Tu je CRAZY HORSE, u prevodu Divlji Konj, poglavica Ogala Sijuksa naroda, na čelu Sijuksa i Čejen Indijanca žestoko

talo je na životu samo stotinjak bufala. Svi ostali su pobijeni radi mesa, koža i rogova. Čitava Montana smrdjela je gođinama na leštine tih životinja, a nehom su krstarili jata orlušina - lešinara.

Odmah nakon tog masakra poslane su nove kolone konjanika savezne armije, sa modernim puškama i topovima. One su tjerale Indijance prema sjeveru do granica sa Kanadom, opkoljavali ih, nemilosrdno ubijali u znak osvete za Kasteru, i satjeravali u rezervate. Na kraju se predao i sam legendarni poglavica Ludi Konj. Jedan vojnik ga je, kažu slučajno, pogodio puščanim metkom na dvorištu zatvora. Tako je ta veličanstvena osvetnička pobjeda Indijanaca na čelu sa poglavicom Ludi Konj, bila uvod u njihov totalni poraz.

Juli, 2008.

Kružimo automobilom „honda hibrid, prostranom Kalifornijom. Joj, kakva je to razuđena, šarolika, neobična, uzbudjujuća i zanimljiva država SAD! Zapadne obale zapljuškuju prohladni talasi Pacifika. Zatim se, prema istoku, najprije podižu brdašca, pa mala brda, pa planinski visovi. Sijera Nevada, Sijera Madre. Onda, od krajnjeg juga Kalifornije kod San Dijega, prema istoku počinju pustinje. Najveličanstvenija je

Death Valley, odnosno Mrtva pustinja u kojoj se živa u termometru penje u julu i avgustu i do 50 stepeni Celzijusovi. Odatile, prema sjeveroistoku, slijedi serija veličanstvenih rukotvorina majčice prirode. Nacionalni park Josemit, u kojem se smjenjuju visoke planine, vratolomni klanci, gустe šume, pitome livade, korita potočića, potoka i jezera, smaragdna jezera... Pa dalje Nacionalni park Sekvoje sa gigantskim stablima starim preko tri hiljade godina. Zaustavljamo se u njedrima planina, osmatramo divote koje nikad ranije nismo vidjeli. Pa jurimo dalje, bojeći se da nam nešto od tog blaga ne promakne očima.

22. JULI, 2008.

Sa jezera Taho, sjeveroistočno od San Franciska, na nadmorskoj visini od 1.500 metara, čije modrine dijele Kalifornija i susjedna država SAD Nevada, spuštamo se automobilom prema jugozapadu. Strme serpentine vijugaju poput beskrajno dugačke zmije zapadnim padinama mamutskog planinskog lanca Sijera Nevada. Cilj nam je Sacramento. Taj grad polutropske klime, u kojem proljeće, ljeto i jesen traju osam osunčanih mjeseci, prostro se na sve četiri strane Kalifornije. U pitomoj,

blago zatalasanoj zaravni usidrenoj ispod visova Siere. Vozeći se gotovo cijeli sat njegovim ulicama, čije se građevine oku ugodne južnoameričke arhitekture jedva vide skrivene u krošnjama južnog zelenila i raznobojnih cvjetova, tražimo kuću u kojoj žive Numan Huseinbegović, žena mu Jasmina zvana Mima i dva sina, svi iz Mostara. Najzad, kroz „pukotinu“, gustog granja i lišća, koji skrivaju fasade kuće, ugledasmo traženi broj.

Domaćica Mima, obradovana i sva usplahirena, prigovara nam što se nismo njavili, spremila bi gostinski ručak. Ali na trpezi, u hladovini gustih krošnja stabala kojim ne znamo imena, uz ostale đakonije ubrzo se nađoše ukusni šrimpovi, salata od paradajza koji ima isti ukus kao mostarske kavade, sa sirevima i originalnim kalifornijskim salatama, kao i boce sa izvrsnim kalifornijskim crnim vinom. Mima radi u jednoj optičarskoj firmi, Numan je kipar. Otišao je nešto prije našeg posljednjeg rata u Njemačku, u jednu poznatu umjetničku koloniju gdje se afirmisao kao kipar kreativnog nerva. Neki radovi su mu otkupljeni i izloženi na javnim mjestima, a organizovao je i uspješnu izložbu svojih kreacija. Sve je išlo glatko do sukoba u Bosni i Hercegovinu. Onda bi i direktor

njemačke kolonije i mnogi posjetiocizložbi i ateljea naglo ohladili čim bi im Numan rekao da je iz BiH.

- Na bih htio grijesiti duše, ali zaključio sam da je to zbog mog muslimanskog imena i prezimena, jer drugi jugoslovenski umjetnici nisu došli u sličnu situaciju. Onda smo se pokupili i otišli najprije u američku državu Ajdaho, gdje su mi već boravila dva brata, a odatile ovdje u Sakaramento. Ovdje sam uspio da se afirmišem nekim svojim kreacijama. Na konkursu za ukrašavanje ulica Sakramenta izbio sam u najuži izbor, zajedno sa dva poznata američka profesora umjetnosti. Mislio sam da sam unaprijed otpisan u toj konkurenciji. Ali bio sam šokiran, u pozitivnom smislu, kad je pročitano moje ime kao ličnosti odabrane da izradi nekoliko znamenja koja danas krase jednu od glavnih ulica grada kao i kipa ispred Vatrogasnog doma koji simbolizuje napore i humanizam ljudi koji se bore protiv vatrene stihije. O Americi se govori svašta, ali uvjerio sam se da je ona najplodnije tlo za ljudsko stvaralaštvo, onim koji hoće i žele da stvaraju i rade. Tako je Numan jedan od naših rijetkih kipara čiji radovi simboličnih poruka krase gradove SAD.

(Nastavlja se)

U Organizaciji Udruzenja "Prijatelji Sarajeva" Chicago

6-to Aprilska zabava

N O C S A R A J E V A

Subota, April 4, 2009

Hanging Gardens Banquets

8301 W. Belmont Ave.

River Grove, IL

KONTAKT INFORMACIJE

VELA 847.668.8352



Rezolucija o promjeni Ustava BiH u Američkom kongresu

I američki visoki izaslanik u BiH?

U proceduru Zastupničkog doma Američkog kongresa uvrštena je rezolucija kojom se ukazuje na neophodnost ustavnih reformi u Bosni i Hercegovini i na važnost nastavka partnerstva SAD-a i Europske unije u tom pitanju

U rezoluciji se navodi da bi Sjedinjene Države trebale odrediti posebnog izaslanika za Balkan koji bi, u suradnji sa Europskom unijom i političkim vodama u našoj zemlji radio na provođenju reformi svih razina vlasti. Ovom rezolucijom Predstavnički dom Američkog kongresa reaffirmiše svoj stav o neophodnosti ustavnih reformi u Bosni i Hercegovini te o važnosti nastavka partnerstva Sjedinjenih Američkih Država i Europske unije po tom pitanju.

Sponzori ove rezolucije su kongresmen Howard Berman, predsjedavajući Komiteta za vanjsku politiku u Predstavničkom domu Američkog kongresa, kongresmen Alcee Hastings, predsjedavajući Helsinskih komiteta za ljudska prava, kongresmeni Russ Carnahan i Christopher Smith, ko-predsjedavajući Kluba prijatelja BiH u Američkom kongresu (Bosnian Caucus) te kongresmeni Robert Wexler,

Jeff Fortenberry, Eliot Engel, Mark Kirk i Earl Pomeroy.

Rezolucija bi se uskoro trebala naći na raspravi na Komitetu za vanjsku politiku, a potom i u redovnoj proceduri usvajanja.

Ovom rezolucijom Američki kongres daje upustva novoj američkoj administraciji kako da odlučnije, energičnije i jasnije nastupi kada je u pitanju Bosna i Hercegovina predlažući između ostalog i imenovanje Posebnog izaslanika za Balkan koji bi bio uključen u buduće procese oko ustavnih promjena, a što je ujedno vrlo direktna poruka da Amerika planira završiti svoj projekat u BiH. Nadalje, SAD bezrezervno podržavaju suverenitet, teritorijalni integritet i pravni kontinuitet države Bosne i Hercegovine. Pozivanjem na zaključke Venecijanske komisije o neefikasnosti državnih institucija i njene preporuke za jačanjem istih, dominantna je namjera usklađivanja novog Ustava BiH sa

standardima definisanim Europskom poveljom o ljudskim pravima. Rezolucijom se daje jasna poruka Europskoj uniji i političkim predstavnicima u Bosni i Hercegovini da je neophodna pomoć sa strane.

Stoga, Savjetodavno vijeće poziva sve bosansko-hercegovačke patriotske snage da se ujedine i usmijere svoje napore u pravcu izgradnje Bosne i Hercegovine kao stabilne i prosperitetne države svih njenih građana i naroda, ravnopravnih na svakom djelu njene teritorije.

Predvođeni univerzalnim principima ljudskih prava i sloboda, te držeci se međunarodnog prava, moguće je uvesti Bosnu i Hercegovinu kao takvu u Europsku uniju.

Savjetodavno vijeće također ohrabruje bosansko-hercegovačku dijasporu u SAD-u da kontaktira svoje kongresmene i zatrazi njihovu podršku, odnosno ko-sponzorstvo ove rezolucije.

Na American University

Održano predavanje na temu genocida

Internacional Peace and Conflict Resolution na prestižnom American University u Washington DC-u je multidisciplinarni program na Fakultetu međunarodnih poslova namjenjen studentima zainteresovanim za pitanja vezana za rat i uslovima postizanja mira. Izvršni direktor Savjetodavnog vijeća gospodica Emina Kulašić održala je predavanje 28. januara 2009. godine na temu genocida, etničkog čišćenja i logora u Bosni i Hercegovini studentima spomenutog programa. Gospodica Kulašić je upoznala studente o prirodi agresije na Republiku Bosnu i Hercegovinu i genocida počinjenog nad njenim građanima. Kao sedmogodišnja djevojčica preživjela je logor Trnopolje i to svoje je iskustvo podjelila sa studentima, vršnjacima, u namjeri da bolje razumiju razmjere patnji kroz koje su prošli građani BiH. Takođe im je objasnila trenutne političke implicacije koje su uzrokovane agresijom i genocidom. U nastavku izlaganja govorila je o i modalitetima organizovanja BiH dijaspore u SAD-u i načinu pomaganja matici Bosni i Hercegovinu u svjetlu oporavka društva od posljedica agresije i genocida.

Pružite podršku Savjetodavnom vijeću

Promocija istine o BiH u Washington-u

Suština djelovanja Savjetodavnog vijeća je u formulisanju političke volje BiH dijaspore u SAD-u i usmjeravanju njene poruke prema vladinim institucijama u Washington DC-u. Kako bi se osigurala stalna pozornost nove administracije predsjednika Obame i novog sastava Američkog kongresa te njihovo učinkovito djelovanje u pravcu posticanja stvarnih i pozitivnih promjena unutar BiH, uloga dijaspore u SAD-u je od ključne važnosti.

Dijaspora se može uključiti u ove procese na dva načina: proaktivnim učešćem u postojećim projektima Savjetodavnog vijeća ili finansijskom podrškom našim aktivnostima.

Zadovoljstvo nam je izvestiti vas da je za 2008. godinu dijaspora donirala neophodnih \$50.000 što je rezultiralo uplatom istog iznosa od strane Turkish Coalition of America (TCA). Ova velikodušna pomoć od strane dijaspore i TCA je omogućila Savjetodavnom vijeću da nastupi još energičnije u promociji interesa Bosne i Hercegovine te da zaposli Izvršnog direktora sa punim radnim vremenom.

Sve ovo je takođe dobar pokazatelj da naša dijaspora polako izlazi iz okova nastalih agresijom i genocidom te

preuzima mnogo aktivniju ulogu. Ovaj matching grant proces između naše dijaspore i TCA se nastavlja i u 2009. godini. Kako nova godina donosi nove izazove i aktivnosti tako donosi i nove troškove.

Finansijska podrška neophodna je i dalje BAACBH kako bi mogli nastaviti sa zaštitom i promocijom istine o BiH u Washington DC-u.

Za svaki vas donirani dolar TCA će uplatiti dodatni dolar na naš račun.

Ako nas namjeravate podržati to vam neće uzeti više od 3-4 minute vremena.

Vasu donaciju možete uplatiti putem kreditne kartice ili poslati ček poštom. Ovo je prilika "Da se i Vaš glas čuje u Washington DC-u"

**BiH dijaspora i predsjednički izbori u SAD-u
Bosanci u Americi za Obamu**



Mnogobrojne su useljeničke zajednice širom SAD-a uzele aktivno učešće u protekloj predizbornoj kampanji za predsjednika najmoćnije svjetske sile. Među njima je zasigurno značajnu ulogu odigrala i bosansko-hercegovačka zajednica koja broji preko 300 hiljada useljenika, danas državljana SAD-a, uglavnom skoncentrisanih u nekoliko većih američkih gradova. Tako su dvojica mladih advokata, gospodin Amir Ovčina i gospodin Sulejman Dizdarević, preuzeli inicijativu i pokrenuli uspješnu kampanju pod nazivom "Bosnian Americans for Obama".

Ova kampanja je po prvi put, pokazala politički značaj naše dijaspore kao vrlo mlade, dobro organizovane i stabilne zajednice koja predstavlja važno biračko tijelo za sve buduće izbore, pogotovo u saveznim državama kao što su Missouri, Michigan, New York i Florida. Uspjeh i važnost kampanje "Bosnian Americans for Obama" je bio prepoznat i od samog Obaminog Centralnog izbornog štaba što je rezultiralo upućivanjem poziva gospodinu Ovčinu i Dizdareviću na glavnu Inaguracijsku svečanost te potom na večernji Mid-Atlantic Ball kojem je prisustvovao i sam predsjednik Obama.

Bošnjačko-američko Savjetodavno vijeće za BiH nastoji kontinuirano promovisati uspješne pojedince koji svojim radom u najboljem svjetlu predstavljaju bosansko-hercegovačku dijasporu u SAD-u. Požrtvovan rad ove dvojice mladih aktivista, odnedavno i članova Povjereničkog odbora Bošnjačko-američkog Savjetodavnog vijeća, je omogućio BiH dijaspori ulazak na velika vrata u ključne političke procese u SAD-u.

**Bosnjačko udruženje
"Sevdah" Hjällbo
Konkurs za
najljepšu kratku
priču i književnu
nagradu „Alija
Izetbegović“**

Bosnjačko udruženje "Sevdah" Hjällbo pokreće konkurs za najljepšu kratku priču za mlađe pisce do 20 godina, s ciljem očuvanja bosanskog jezika i književnosti kod Bosanaca i Hercegovaca u Skandinaviji, te ustanovljava književnu nagradu "Alija Izetbegović" (1925-2003), u spomen na književnika i prvog predsjednika nezavisne republike Bosne i Hercegovine



Alija Izetbegović
1925 - 2003

Uslovi:
Da autori nisu stariji od 20 godina.
Da priča nije već objavljivana.
Tema priče treba biti bosanska, neovisno da li se radnja događa u domovini, ili u inostranstvu.
Jezik priče je bosanski, a pismo je latinska.
Dužina priče je od tri do pet stranica (oko 100 redaka pisano sa stilom 14)
Priča se dostavlja potpisana punim imenom i prezimenom, sa brojem telefona, e-mail i(l) kontakt adresom, uz fotokopiju nekog ličnog dokumenta, te potpisom roditelja ili staratelja koji garantuju da je ta osoba napisala priču.
Autor priče treba da pošalje i kraću autobiografiju.

Takmičenje je otvoreno od 01.03.2009 do 20.04.2009

Priča se može poslati na e-mail Udrženja: sevdahhjallbo@yahoo.se, Ili direktno na adresu:
Bošnjačko udruženje "Sevdah" Hjällbo (Göteborg), Bergsgårdsgärdet 54, 424 32 Angered

Nagrade

- Prva nagrada: 2000 švedskih kruna i plaketa književne nagrade "Alija Izetbegović".
- Druga nagrada: 1000 švedskih kruna i plaketa za osvojeno drugo mjesto
- Treća nagrada: 500 švedskih kruna i plaketa za osvojeno treće mjesto

Bit će dodijeljeno još sedam ravno-pravnih otkupnih nagrada, za koje su predviđeni prigodni pokloni.
Organizator zadržava pravo na objavljanje najboljih priča u posebnoj knjizi, bez dodatne naknade autorima.
Predsjednik komisije ocjenjivačkog žirija je književnik i publicista mr.Fatmir Alispahić.

U New Yorku u povodu Dana nezavisnosti BiH

Promovisana knjiga "Prazninu ostavite iza nas"

Kao i prethodnih godina u Bosansko-američkom udruženju u New Yorku obilježen je 1. mart – Dan nezavisnosti Bosne i Hercegovine.

Uz skroman muzički i recitacijski uvodni program, u organizaciji BAU i web magazina Bošnjaci.

Net održana je i prva promocija tek iz štampe izašle knjige "Prazninu ostavite iza nas" holandske historičarke dr. Selme Leydesdorff posvećene ženama Srebrenice

Prije promocija knjige, prisutni su imali čast da odslušaju u klavirsko-instrumentalnoj verziji nekoliko sevdalinki koje je izveo profesor muzike Enes Pašović, dok su se na platnu nizale slike iz gradova Bosne i Hercegovine i njenih prirodnih ljepota.

Da bi Dan nezavisnosti Bosne i Hercegovine bio simbolički predstavljen, recitovana je poznata pjesma "Zapis o zemlji" Maka Dizdara, u izvedbi Elvire Rašljanin; kako na bosanskom tako i na engleskom jeziku.

Počasne gošće večeri su bile Holanđanka dr. Selma Leydesdorff i Turkinja dr. Nazife Ozankan koje gaje veliku ljubav premaša državi. Dr. Leydesdorff u postratnom vremenu širi istinu o BiH i genocidu koji je počinjen nad Bošnjacima a posebno o stradanju žena, dok je dr. Ozanken za vrijeme rata u New Yorku i SAD na svaki način pomagala našoj zemlji i našem narodu. Dr. Oznanken na jedan poseban način ističe koliko joj Bosna znači u životu i odlučila je da Bosansko-američkom udruženju pokloni sve knjige koje je godinama sakupljala i bogatila svoju kućnu biblioteku. Ali i pored tog humanog gesta njoj je u znak zahvalnosti za sve što je uradila za BiH, ispred BAU potpredsjednik dr. Fuad Jakirlić uručio monografiju "Ono najljepše - Bosna i Hercegovina". Takoder i dr. Leydesdorff je uručio primjerak iste knjige i kako reče "Da im Bosna i Hercegovina uvijek ostane uz njih i u njihovim srcima".

O knjizi "Prazninu ostavite iza nas" i autorici dr. Selmi Leydesdorff govorio je promotor i moderator promocije Eldin Elezović. On je u svom izlaganju između ostalog istakao:

"Knjiga je dakle usmena historija, pretočena u pismenu, preživjelih Srebreničana, posebno Srebreničanki, onih koji su preživjeli masakar i genocid, sa kojima je autorica knjige obavila razgovore tokom gotovo osam godina istraživanja na ovu temu. Autorica na samom početku knjige kaže da većina preživjelih i dalje živi u privremenim skloništima u predgradu Sarajeva u zaista neadekvatnim uslovima za život, i u okruženju koje liči na izbjegličke logore. Jedan broj Srebreničana se je ipak vratio u Srebrenicu koja je veoma tužno i opustošeno mjesto i kao takvo ne ispunjava gotovo nikakve uslove za preživljavanje. U pozadini priče autorica predstavlja sliku očaja sadašnjeg života, i kroz prizmu gleda na raspad bivše Jugoslavije, stvaranja bosanske države i na posljedice agresije na BiH. Knjiga također pokazuje različite segmente traumatizacije koji su zauvijek ostali ugrađeni u memoriju preživjelih, kao posljedica masakra i Srebrenici. Ipak unatoč fragmentaciji memorije uzrokovanje traumom, preživjeli odkrivaju sliku života i opstanka pod ekstremnim uslovima. Ova knjiga želi predstaviti ogromnu borbu preživjelih protiv zaborava zločina, koji se



dogodio u Srebrenici, također knjiga želi da da glas ženama koje su preživjele silovanja, ubistva i zločine i njihovu konfrontaciju sa svjetom koji želi zaboraviti njihovu patnju i stradanja. Knjiga potvrđuje zaključke posljednjih istraživanja masakra u Srebrenici gdje je dokazano da su oko 5% od ukupnog broja ubijenih mlađi od 15 godina starosti, dakle djeca, uključujući i novorođenčad. Knjiga, prenoseći i zapisujući priče preživjelih, dokumentira zločin protiv žena i djece od strane srpsko-crničke vojske.

Na pitanje zašto ova knjiga autorica odgovara na slijedeći način: nakon masakra u Srebrenici, predstavnici UN-a a pogotovo predstavnici zemalja koje su imale svoje vojne jedinice u BiH za vrijeme

agresije, Holandija i Francuska, su pravile svoje zvanične izvještaje o masakru i genocidu, i na koji način su njihove jedinice djelovale u sprječavanju ili bolje reći u "nespriječavanju" svega što se desilo. Po autorovom istraživanju i zaključku izvještaji koji su sačinjeni i zvanično predani zvaničnim tijelima UN-a, vladama zemalja uključenih, prije svega Holandiji i Francuskoj, te tribunalu u Hagu, su urađeni samo radi formalnosti, i bez ikakve istinite supstance, i kao takve predstavljaju neistinu pod imenom "službene istine". Kako glavnu činjenicu za njenu tvrdnju, autorica knjige koristi zanemarivanje glasa i riječi preživjelih kao jedinih živih dokaza o genocidu. Dakle jedina istina, riječ svjedoka preživjelih, je kompletno ignorisana. Političari koji su naredili pisanje "zvanične istine" o genocidu u BiH su prije svega imali za cilj opravdati svoju ulogu u nesprječavanju genocida u BiH" istakao je Elezović.

Autorica je na početku svog obraćanja istakla da je sretna što se u New Yorku nalazi među građanima BiH, čestitajući im Dan nezavisnosti istakla je zahvalnost za organiziranje prve promocije njene knjige

koja je prije desetak dana odštampana u Sarajevu.

Dr. Leydesdorff je naglasila da je proces pisanja knjige uzeo oko 8 godina rada, istraživanja, intervjuisanja, preslušavanja materijala i slaganja u tekst, a zatim u knjigu. "Bojala sam se i bilo me je strah kada sam prvi put razgovarala s ženama Srebrenice" – rekla je dr. Leydesdorff, nastavljajući: "pomislila sam 'oh ne, pričajte to nekom drugom' ali sam opet pomislila kako će onda napisati ovu knjigu ako ne budem to sve znala" – istakla je u uvodnom govoru. U nastavku je procitala nekoliko ulomaka iz svoje knjige koji su prisutne ponovo vratili u bosansku ratnu stihiju, te kroz izbjegličke kampove i srebrenička sela u kojima danas teško žive Selmine sagovornice.

Na kraju njenog izlaganja Esad Krcić, gl. urednik Bošnjaci.Net je naglasio da je bh. komuni u New Yorku pripala čast da prvi prirede promociju knjige dr. Leydesdorff i posebno se zahvalio njoj da i pored obaveza koje je imala u New Yorku što je prihvatile naš poziv da održimo promociju. Ujedno Krcić je prisutnima prenio selame i pozdrave od dr. Smaila Čekića, direktora Instituta za istraživanje ratnih zločina koji je istog dana održao predavanje u Grand Rapidsu. Dr. Čekić je posebno zamolio da građani BiH iskažu poštovanje i zahvalnost dr. Leydesdorff za sve što je učinila na prezentiranju svijetu istine o genocidu i stradanju žena Srebrenice, kao i izdavaču knjige na čelu sa Goranom Mikulićem.

Posebno ističemo da su prisutni postavljali konstruktivna pitanja te da je vođena živa polemika. Kako smo već rekli ovo je prva promocija knjige na bosanskom jeziku, dok knjiga na engleskom jeziku čeka izdavača kako bi bila predstavljena čitateljima tog govornog područja. Nakon New Yorka promocija knjige će biti održana 18. marta u Sarajevu, dok jedan od promotora će biti dr. Smail Čekić.

Bosnjaci.net

Bošnjaci Grand Rapidsa ponosno predstavili BiH

Ovo je prvi put da se Bošnjaci i Bosna i Hercegovina predstavljaju na Festivalu etničkih zajednica koji se održava svake godine u Grand Rapidsu. Na festivalu su učestvovali predstavnici preko 40 nacionalnih manjina i grupa, koje čine šaroliko jezgro Grand Rapidsa i šire. Pored Bosne i Hercegovine bile su predstavljena Kina, Meksiko, Vijetnam, Latvija, Švedska, Finska, Poljska, Indija, Japan, Koreja, Indonezija, Litvanija, Njemačka i mnoge druge zemlje.

Štand Bosne i Hercegovine je bio najposjećeniji tokom čitavog dana. Posjetiocu su se interesirali o tradiciji, geografiji, ručnim radovima, književnosti, ibricima, fesovima, bosanskoj novoj i staroj zastavi, heklanju, umjetničkim radovima i historiji. Štand je uredno spremila, pripremila i napravila Zahida Bajrić, predsjednica udruženja Žena BiH – Grand Rapids, uz pomoć mnogobrojnih volontera, Jasminke Balić, Ese Bajrića, Envera Selimovića, Irme Alibašić, te mnogih drugih Bošnjakinja i Bošnjaka, ljudi koji su posudili svoje ručne radove, ibrike, ponjave. Između ostalih Fadila Tukelija je izložila svoj ručni rad, stolnjak, kojeg je radila dvije godine.

Cjelodnevni program je bio podijeljen u tri dijela, tradicionalne narodne igre i plesovi, zatim modna revija tradicionalne narodne nošnje, te ručni radovi. Program je započeo sa bosanskom tradicionalnom igrom od strane bošnjačkih djevojčica i dječaka iz KUD "Preporod", pod budnim okom i profesionalnim

U organizaciji Koordinacije Kongresa Bošnjaka Sjeverne Amerike MI - Grand Rapids, zajedno sa Udruženjem Žena BiH - Grand Rapids, KUD-a "Preporod", Bosanskog kulturnog centra, historija, kultura i tradicija Bošnjaka je na najbolji mogući način predstavljena pred otprilike 6,000 posjetilaca koji su bili u posjeti javnom muzeju u Grand Rapidsu

vodstvom, Enisa Cinca. Tradicionalna bosanska kola u tradicionalnoj odjeći, djeca su izvela perfektno, uz burne aplauze od prisutne publike.

Na etničkoj modnoj reviji bili smo predstavljeni od strane Jasmina Selimovića koji je čitao informacije pod budnim nadzorom TV voditeljice, Eve Aguire Cooper, o tradicionalnoj bosanskoj nošnji, dimijama i koje su nosile Edina Bobar, Azra Mujanović, te muškoj narodnoj nošnji koju je predstavljalo Almin Agić. Za ručne radove, heklanje, veženje je bila zadužena Subhija Cikota. Ona je pokazala ručne radove koje se samo mogu naći na prostorima Bosne i Hercegovine. Bilo je impresivno vidjeti veliki odziv Bošnjaka čitav dan, između ostalog, čitav Upravni odbor Bosanskog kulturnog centra je došao da podrži aktivnosti naših volontera.



Radio BiH iz Grand Rapidsa je medijski pokrio festival i tonskim zapisima ovjekovječio sve aktivnosti.

Citava ideja predstavljanja BiH i Bošnjaka na ovom festivalu je započela sastankom mr. Kemala Hamulića i Katherine Alibašić prije godinu dana sa direktoricom Muzeja i idejom o boljoj prezentaciji Bosne i Hercegovine u Grand Rapidsu. Mr. Hamulic je izjavio "da je fino vidjeti ovako finu kulminaciju rada Kooordinacije KBSA GR sa javnim Muzejom."

Christian Carron, direktor za istraživanje ispred javnog Muzeja Grand Rapidsa, je rekao da je ovo izvanredna prilika da se upoznaju druge nacije, etničke zajednice i nauči o

drugim kulturama.

Za BiH zastavu je obećano specijalno mjesto u muzeju. Direktorica muzeja je bila oduševljena bosanskim stvarima i potajno priznala da je bosanski štand bio najbolji.

Roger Royer, predstavnik generalnog sponzora za festival DTE Energy nakon što je video tradicionalni ples od strane bošnjačkih mališana izjavio je da je "jako lijepo vidjeti međugeneracijski rad među mladima i starijima koji rade skupa kako bi očuvali tradiciju, historiju i kulturu svoje domovine."

Za nadati se da će i buduće generacije Bošnjaka nastaviti njegovati tradiciju na isti i još bolji način kao što je to prikazano u Grand Rapidsu.



Nagrade

Ivanu Lovrenoviću uručena nagrada P.E.N. Centra BiH

Književniku Ivanu Lovrenoviću u Muzeju književnosti i pozorišne umjetnosti BiH uručena je prva bijenalna nagrada P.E.N. Centra BiH "Midhat Begić" za esej "Ivo Andrić, paradoks o šutnji"

"Novi izraz", koji djeluje pri P.E.N. Centru, a na konkurs za nagradu je pristiglo 14 knjiga eseja.

Predsjenik P.E.N. Centra BiH Ugo Vlaisavljević istaknuo je na prigodnoj svečanosti da ova institucija, po načelu djelovanja, predstavlja udružgu književnika zainteresiranu za književno-kritički rad.

Ivan Lovrenović, kojemu je predsjednica žirija Hanifa Kapidžić-Osmanagić uručila plaketu i novčani dio nagrade, nije krio uzbudjenje i emocije. Kazao je da nagrada za njega ima ve-

liku značaj iz nekoliko razloga. Prvi je da su njegov rad ocijenili članovi žirija te ljudi čiji akademski integritet i književničko znanje visoko cijeni, a tu je i vlastiti odnos prema imenu nagrade Midhat Begić.

Posebno je u svemu značajan Andrić, podsjetivši da u trenutku kada se naš nekada strukturirani svijet raspao, ujedno se raspao i odnos prema Andriću, kao jednom od najvažnijih legatora, zadužbinara BiH.

Kako se navodi u pojašnjenu žirija, Lovrenovićev stil je stil klasične jed-

nostavnosti, pragmatne jezgrovitosti i nekog zrcalskog ogledanja pojedinosti u cjelini i cjeline u detalju, koji kao da je potkrepljuje, dokazuje i zasniva. Njegov je esej, mišljenja je žiri, novi doprinos tumačenju našeg najznačajnijeg pisca i prevazilaženju nesporazuma i sporova u vezi s njim.

-Lovrenovićev Andrić je pisac cijele Bosne i Hercegovine - i bošnjački, i srpski i hrvatski, stav je žirija.

Riječ je o prvoj poslijeratnoj nagradi P.E.N. Centra BiH koja se dodjeljuje za književnu kritiku. Odluku o dobitniku donio je žiri u sastavu Hanifa Kapidžić-Osmanagić (predsjednica) te članovi Dejan Đuričković, Željko Ivanković, Čedo Kisić i Juraj Martinović. Nagrađeni esej objavljen je u časopisu

Istraživanje

Sporije jedenje utiče na smanjenje unosa kalorija

*Žene koje sporije jedu
unose manje kalorija od
onih koje jedu brže, iako im
objed traje duže*



Istraživači sa sveučilišta Rhode Island u SAD-u procijenili su uticaj konzumiranja hrane na unos kalorija. U tu je svrhu 30 zdravih žena, u dobi od 18 do 48 godina, tri puta posjetilo laboratorij. Tokom prvog posjeta ispunile su anketu o historiji bolesti, učestalosti konzumiranja hrane te ponašanju vezanom uz dijete za mršavljenje i tjelesnu masu. U slijedeća dva posjeta od njih se tražilo da pripremljen obrok pojedu sporo ili brzo. Tijekom posjeta kada su obrok morale brzo pojesti, dobole su velike žlice i trebale su jesti bez stanki između zaloga. Kada su pak obrok trebale pojesti sporo, dobole su male žlice te su morale uzimati male zaloge. Također, između zaloga morale su spustiti žlicu te prožvakati svaki zalogaj 20 do 30 puta. Glad, sitost, želja za hranom i žđ proučavani su u redovitim intervalima prije, tokom i nakon obroka.

Analiza rezultata otkrila je da iako sporo objedovanje produžuje trajanje obroka za 20 minuta, ispitanice su pojele manje kalorija (579 prema 646 kcal) i manju količinu hrane (399 prema 445 g) u poređenju s brzim objedovanjem. Također, razine sitosti kao i unos vode bili su znatno veći tokom sporog konzumiranja obroka, čime se otvara pitanje dodatnog pomoćnog mehanizma.

Kao zaključak, sporija konzumacija obroka može pridonijeti smanjenom unosu energije kod zdravih žena. Potrebna su dodatna istraživanja kako bi se provjerilo odnosi li se taj zaključak i na cijelu populaciju te različite tipove obroka uz duže razdoblje proučavanja.

Prevencija i liječenje

Razlikujete li gripu i prehladu?



Gripa i prehlada virusne su i bolesti dišnih puteva. Spadaju u kapljicne infekcije. Iako simptomi mogu biti slični, gripu ne treba olako shvatiti – to je ozbiljna bolest koja može izazvati komplikacije. Inače, kapljicne infekcije su najčešće zarazne bolesti. Gotovo svaki četvrti bolesnik javlja se liječniku porodične medicine zbog akutne respiratorne bolesti. Budući da su obje bolesti virusne, nijedna se ne može suzbiti antibioticima; oni su korisni samo protiv bakterijskih infekcija

Gripa i prehlada šire se putem kapljica. Čovjek prilikom govora, kihanja, kašljanja izbacuje u svoju okolinu sitne kapljice koje mogu sadržavati različite mikroorganizme. Te kapljice mogu dospijeti do druge osobe i ta osoba može ih udahnuti. Možete se zaraziti i dotičući virusom inficirane površine i zatim ih prenoseći u svoj nos i usta. Najčešće se javljaju u hladno godišnje doba. Nema znanstvenih dokaza koji uvjetuju to sezonsko javljanje, no jedno od objašnjenja je da je čovjek čovjeku bliži u hladno vrijeme, jer se više zadržava u zatvorenim prostorima. I drugo, sigurno je koncentracija kapljica u volumenu zraka u hladno godišnje doba veća zbog zatvaranja prozora.

Gripa

Gripu uzrokuju virusi A, B i C, koji su antigeno različiti. Virusi gripe imaju svoje „trikove“ preživljavanja: podliježu manjim ili većim promjenama i tako nastaju novi podtipovi. Te promjene su stalne i uobičajene i događaju skoro svake godine. To znači da nikada ne možete razviti trajni imunitet na gripu: ako jedne godine i razvijete protutijela za virus gripe, ona vas vjerojatno neće zaštiti od novog oblika gripe slijedeće godine.

Simptomi se počinju razvijati jedan do četiri dana nakon ulaska virusa u organizam:

- visoka temperatura – s drhtavicom
- grlobolja
- kašalj
- bolovi u mišićima i zglobovima
- opći umor i slabost
- začepjen nos, kihanje
- glavobolja

Od gripa najviše oboljevaju djeca i mlađi, no najčešće bez posljedica. Stariji najrjeđe dobivaju gripu, no ako obole, najveća je mogućnost komplikacija. Isto se može dogoditi i hroničnim bolesnicima, pa je najbolje rješenje cijepljenje protiv gripe.

Liječenje

Ako ste dobra zdravlja, gripa će vjerojatno proći bez komplikacija za otprilike sedam dana. Starije osobe i hronični bolesnici, trebaju biti na oprezu jer za njih gripa može biti ozbiljna bolest koja može izazvati komplikacije koje treba na vrijeme početi liječiti. Stoga se uistinu treba pridržavati

liječničkih savjeta!

7 savjeta protiv gripa – dočekajte je spremni i izbjegnite moguće posljedice

1. Simptomi su gripe visoka temperatura, drhtavica, bolovi u mišićima i zglobovima, malakslost, a u djece nerijetko i mučnina, odnosno povraćanje. Mogu se pojaviti kašalj i šmrkanje, simptomi inače izraženiji kod prehlade. Uzimanje preparata protiv povišene temperature i boli može pomoći da se osjećate bolje, no treba paziti da se upotrebljavaju prema uputstvu. Djeci se smiju davati samo preparati koji su izričito za njihovu dob!
2. Najbolje je mirovati, preležati gripu kod kuće, dati organizmu priliku da se oporavi i ujedno ne prenosi virus na druge! Primjereno mirovanje i odmor ključni su za oporavak od gripe - ako se potpuno ne oporavite, možete produžiti trajanje bolesti ili izazvati komplikacije.
3. Zapazite li da se ne oporavljate (danim ne možete sniziti tjelesnu temperaturu, imate teškoće sa disanjem, gutanjem i slično) obavezno se obratite liječniku.
4. Gripa je virusna, a ne bakterijska bolest, pa nema smisla liječiti je antibioticima na svoju ruku. Bude li bakterijskih komplikacija, liječit će se antibioticima, ali o tome odlučuje liječnik!
5. Najbolje je upotrijebiti rupčice za jednokratnu upotrebu. Zaštitite nos i usta kad kišete i kašljete i održavajte higijenu ruku.
6. Uzimajte mnogo tople tekućine – juha i čajevi osobito su pogodni zato što su bogati mineralima.
7. Vitamin C, cink i različiti biljni priravci koji navodno štite od gripe ne mogu se preporučiti kao zaštita. Organizam će biti najotporniji uz pravilnu prehranu, tjelovježbu, izbjegavanje cigareta, alkohola i stresa.

Cijepljenje

Cijepljenje se preporučuje osobama kojima gripa predstavlja veliki rizik, pa i smrtni. To su osobe starije od 65 godina i hronični bolesnici, bilo srca, bilo dišnih putova, bubrega, oboljeli od dijabetesa i osobe oslabljenog imuniteta. Također, dobro je da se cijepe štićenici i zaposlenici domova za stare i nemoćne te osobe koje rade u zdravstvenim ustanovama. Premda cijeplivo nema 100% učinkovitost (kod manjeg broja ljudi je nedjelotvorno), ipak su nabolje zaštićeni oni koji su ga primili (ako nakon cijepljenja ipak do-

bijete gripu, simptomi će vjerojatno biti blaži). Cijeplivo je u mlađih osoba djelotvorno 80%, a sa starijom životnom dobi zaštitita pada. No iako stariji imaju manju zaštitu od samog oboljevanja, vrlo su dobro zaštićeni od komplikacija i smrtil! Cijepljiti se započinje u predsezoni, što će reći negdje u 10, 11 mjesecu, a kako je zaštita kratkotrajna (oko pola godine), valja svake godine ponoviti cijepljenje.

Ako ste trudni, posavjetujte se s liječnikom da vidite odobrava li cijepljenje.

Kod nekih osoba kao popratni učinci cijepljenja mogu se javiti blago povišena temperatura i bolovi u mišićima.

Cijeplivo protiv gripe možete dobiti kod izabranog liječnika i u zavodima za javno zdravstvo. Premda je gripa ozbiljna bolest, nema razloga za paniku, najvažnije je pridržavati se liječničkih savjeta i preležati gripu.

Prehlada

Prehladu uzrokuju virusi, simptomi izbijaju jedan do četiri dana nakon ulaska virusa u sluznicu nosa ili grla.

Simptomi mogu biti slični kao kod gripe, no prevladavaju kašalj i šmrkanje:

- kongestija i curenje nosa s otežanim disanjem
- grlobolja
- kihanje
- kašalj
- suze oči koje peku
- glavobolja
- humor

Liječenje

Prehlada je virusna bolest, pa antibiotici ne djeluju.

Simptome „začepljenog“ nosa i šmrca možete ublažiti kapima za dekongestiju sluznice nosa.

Uzimajte mnogo tople tekućine – juha i čajevi osobito su pogodni zato što su bogati mineralima.

Nije dokazano da uzimanje velikih količina vitamina C može sprječiti ili izlječiti prehladu, no svježe voće i povrće bogato vitaminima može pomoći imunološkom sistemu u borbi protiv infekcije.

I na kraju...

Jak imunološki sistem najbolja je odbrana od svih infekcija, pa i gripe i prehlade. Jačajte prirodnu otpornost tako da se pravilno hranite, pijete dovoljno tekućine, ne pušite, redovito i umjereno vježbate, izbjegavate alkohol i stres.

Beauty trikovi slavnih mama

Angelina podočnjake skriva modernim naočalama, Jessica Alba ne izlazi iz balerinika, Gwen Stefani ni u ludilu ne odustaje od žarkocrvenog ruža. Otkrijte beauty trikove slavnih mama

Moderna i praktična frizura

Stilist poznatih mama Ken Paves kaže da bi moderne mame trebale izbjegavati komplikirane frizure koje zahtijevaju svakodnevno friziranje. „Odaberite frizuru koja savršeno odgovara prirodnoj teksturi vaše kose jer ćete na taj način izbjegći svakodnevnu brigu oko kose. Vaša kosa mora biti u stilu wash and wear“, kaže Ken. Ako imate valovitu kosu, izbjegavajte šiške ili bob frizuru jer ćete inače svaki dan imati posla s peglanjem i feniranjem kose. Mnoge zvijezde, poput primjerice Katie Holmes, poslušale su Kenov savjet i odlučile nakon poroda skratiti kosu.

Koža je važnija od make-upa

Umjesto da gubite vrijeme na šminkanje, radije se pozabavite kvalitetom svoje kože. Investirajte u dobru kremu, a vjerojatno najbolji saveznik u ovom vam je razdoblju kvalitetan korektor ili tonirana krema kojom ćete prekriti dosadne podočnjake. Također ne zaboravite pos-



jete kozmetičarki – dragocjeni tretmani pomoći će vam da izgledate svježe (ili barem što svježije).

Njegujte svoj stil

To što ste postali mama, ne znači da nužno morate zaboraviti na modu. Istina, nemate više mnogo vremena za sebe, ali odjeću nastojite kupovati planinski i tako da to odgovara vašoj novoj figuri i osobnosti. Ponekad prelistajte kakav modni magazin – osim što ćete ostati ukorak s trendovima, sigurno ćete pronaći i inspiraciju za sebe i svoj stil. Mnoge poznate mame, poput Gwen Stefani, i nakon poroda itekako paze na svoje odjevanje.

Investirajte u dobre traperice

Nosite komade koji vam podižu samo-pouzdanje. Budući da sada imate puno

manje vremena za šopingiranje, kupujte manje, ali kvalitetnije! Nemojte žaliti novac za dobre traperice koje odgovaraju vašoj figuri, ističu prednosti i skrivaju nedostatke.

Štikle objesite o klin...

... i nabavite moderne i kvalitetne ravne cipele. Poznate mame, poput Jessica Alba



i Reese Witherspoon, vole balerinke. Upravo te cipele idealne su za trčanje po parkovima za vašim mališanom, a u isto su vrijeme ženstvene i moderne. Štosne balerinke odlično će dići svaku kombinaciju.

Ne zaboravite naočale!

Moderne naočale - ima li boljeg načina da skrijete podočnjake, a u isto vrijeme izgledate totalno kul? Kad stignu sunčani dani, poklonite sebi kvalitetne i trendi sunčane naočale, modni dodatak kojem ćete vječno biti zahvalni.

Velika torba

Zbog hrpe stvari koje svakodnevno nosite od tačke A do tačke B, velika torba nezaobilazni je modni (i praktični) dodatak. Neka bude čvrsta, moderna i s mnoštvom pretinaca, zbog bolje organizacije.


Crna je vaša prijateljica

Osim što vizuelno stanjuje, crna je boja idealna za zaposlene mame jer samo ćete u tamnoj odjeći izbjegći katastrofe poput one da u ured dođete zaflekani špinatom ili nekom drugom papicom. Ako ste sve donedavno bili ljubitelj bijelih košulja - sada je vrijeme da nakratko odustanete i postane darkerica. Barem privremeno, ako želite sačuvati zdrav razum. Uostalom, pogledajte Angelinu Jolie.

Šal

Omiljeni muški modni detalj

Uz kravatu, remen i sat, šal je svakako najomiljeniji muški modni detalj. Parižani su ludi za njim pa ga nose u svim varijantama i bojama, dok Londončani više vole alternativniji stil i, naravno, takve šalove



U zadnjih nekoliko godina primjećujemo kako su muškarci počeli koristiti šal kao važan modni detalj, no nerijetko su šalovi ipak rezervirani za malu djecu ili stariju gospodu. Iako ga svako ima, šalovi na muškarcima ne dolaze pretjerano do izražaja, vjerojatno jer kod nas prolaze uglavnom oni crni i sivi koji se stapaju s bojama jakni i kaputa pa su teže uočljivi.

Najpoželjniji šal svake sezone je onaj od kašmira, kariranog Burberry uzorka, no poplava kopija istog uzorka je zaljubljenike u modu u zadnjih par sezona okrenula nekim drugim imenima poput Missonia.

Osim u zimskom razdoblju, kad je šal neizbjegjan, sve češće se nosi i ljeti. Naravno da ne mislimo na vunene šalove, već lagane lanene, pamučne

ili svilene šalove koji se mogu nositi uz košulju ili najobičniju potkošulju u nekoj opuštenoj „casual“ varijanti. Poznato je da se u izrazito toplim zemljama nose šalovi i marame kako bi zaštitali tijelo i kosu od prljavštine, sunca i vrućine, a od raznih vrsta šalova i marama nastala je i muškarcima omiljena kravata koja, za razliku od šala, nema baš nikakvu funkciju osim one estetske.

Šal je također jedan od rijetkih modnih detalja koji je neizbjegjan na nogometnim utakmicama, a sve je počelo u Velikoj Britaniji oko 1900. godine. Takve šalove ipak spremite duboko u ormar sve do sljedeće utakmice, a za sve druge prigode izvucite kašmir, vunu, Burberry, Missoni, Etro, TopMan, H&M ili nešto treće.

Radio radiobehar@aol.com


BEHAR

bosnian radio program St. Louis

Slušajte vaš omiljeni program u novom terminu 5.00 - 9.00 PM CT svake nedjelje

**istinski
bošnjački radio**

BOSNIAN MEDIA GROUP
P.O. Box 2636
St. Louis, MO 63116-2636
phone 314.494.6512
fax 314.416.1388
www.bosnianmediagroup.com



Jesu li pred nama bolji dani?


Povratak vedrih boja

Govoreći o globalnoj krizi, prognoze ne mogu biti više crne, no što jesu. Gledajući vremenske prilike, nebo ne može biti više sivo, no što je. Međutim, gledajući crvene tepihe, vraćaju se boje

U posljednje vrijeme na crvenim tepišima razno raznih svjetskih događanja viđamo sve više haljina žestokih njansi boja poput vatrene narandžaste, žarko crvene, žute, intenzivno plave ili vrišteće zelene. I pri tome ne mislimo na haljine s uzorcima, već one jednobojne - u boji.

Boje privlače pažnju, one su seksi, izazovne, zrače optimizmom i hrabrošću. Baš kao i žene koje ih se usude odjenuti i time pokazati svoju samou-

vjerenost. Ako mogu Anne Hathaway i Eva Longoria, zašto ne biste i vi? Treba naglasiti kako pri odabiru boja trebate biti oprezni, jer je pogriješiti lako. Boja haljine mora se slagati s vašim tenom, a ne dodatno naglašavati njegove nedostatke. Ako ste odabrale ružičastu, pripazite da ne izgledate poput sedmogodišnjakinje. Zato s bojama treba biti oprezan, ali ih nikako ne biste trebali izbjegavati. Uostalom, one unose vedrinu u naše živote!



Horoskop

Priprema: Sabina Mirojević



OVAN OD 21.03. DO 20.04

LJUBAV: Više vremena posvetite voljenoj osobi, jer ona to očekuje od Vas.
POSAO: Vijesti u vezi novog posla koji očekujete mogli biste saznati u ovom periodu, a one će biti povoljne.
ZDRAVLJE: Manjak željeza u organizmu prouzrokovat će nesvjestice i glavobolju.



BIK OD 21.04 DO 20.05

LJUBAV: U teškim momentima razumijevanja i podrške od strane partnera itekako će Vam dobro doći.
POSAO: Na poslovnom planu Vas očekuje intezivniji radni tempo, zbog čega ćete imati manje slobodnog vremena.
ZDRAVLJE: Polako žvačite hranu.



BLIZANCI OD 21.05 DO 21.06

LJUBAV: Jedna osoba je uporna u nastojanju da Vas osvoji, a Vi joj stalno bježite.
POSAO: Ukoliko želite da sve bude prema Vašim planovima i očekivanjima, trebat će Vam više upornosti i samopouzdanja.
ZDRAVLJE: Priuštite sebi neku omiljenu zabavu.



RAK OD 22.06 DO 22.07

LJUBAV: Između Vas i partnera doći će do razmimoilaženja i drugačijeg viđenja u pogledu nekih stvari i događaja.
POSAO: U želji da se dokazuјete na različitim stranama, ponekad pretjerujete u svojim ambicioznim planovima.
ZDRAVLJE: Prolazne tegobe.



LAV OD 23.07 DO 23.08

LJUBAV: Vodite računa da nervozom ili grubom riječju ne povrijedite partnera i pokvarite sve ono što ste duže vremena gradili.
POSAO: Moglo bi doći do izvjesnog zasićenja poslom i kolegama koji Vas okružuju na poslu.
ZDRAVLJE: Malakslost i humor su neizbjježni!



DJEVICA OD 24.08 DO 22.09

LJUBAV: Vaša ljubav i odanost prema partneru imat će pozitivnog uticaja na Vašu vezu.
POSAO: Vama kao da nikada nije dosta dokazivanja i samodokazivanja. Malo povucite „ručnu“.
ZDRAVLJE: Ubrzan način života i sklonost neurozi i malodušnosti, odrazit će se i na Vaš izgled.



VAGA OD 23.09 DO 22.10

LJUBAV: U ovom periodu mogli biste se naći u centru ljubavnog trokuta iz kojeg ćete se teško izvući, jer će Vam obje osobe biti drage.
POSAO: Riješit ćete neka pitanja vezana uz Vaše radno mjesto.
ZDRAVLJE: Na neke svoje talente ste zaboravili. Ako ih oživite, bit ćete radosni i zadovoljni.



ŠKORPIJA OD 23.10 DO 22.11

LJUBAV: Svade i prepiske sa partnerom postat će česte, ali pomirenja vrlo strastvena.
POSAO: Angažovani ste na više strana, ali da biste ostvarili pozitivne rezultate morate voditi računa i o svojim ličnim mogućnostima.
ZDRAVLJE: Šetnja i opuštanje u kupki neka Vam postane svakodnevница!



STRIJELAC OD 23.11 DO 21.12

LJUBAV: Pronadite pravu mjeru između posla i ljubavnog života, kako ni jedno ni drugo ne bi trpjeli.
POSAO: Zahvaljujući svojoj diplomaciji i dobroj samokontroli uspješno ćete završiti važne poslovne razgovore.
ZDRAVLJE: Zbog nekih pretjerivanja u prošlosti moguće je da počnete osjećati zdravstvene probleme.



JARAC OD 22.12 DO 20.01

LJUBAV: Posao bi mogao biti glavna smetnja ljubavnog života, jer ćete njemu posvećivati puno vremena i energije.
POSAO: Napetosti koje već neko vrijeme traju između Vas i nekih kolega sad bi mogle dostići svoju kulminaciju.



ZDRAVLJE: Oblačite se u skladu sa vremenskim prilikama.



VODOLIJA OD 21.01 DO 19.09

LJUBAV: Iznenada biste mogli osjetiti neodoljivu privlačnost prema osobi s kojom ste u poslovnom odnosu.
POSAO: Važnost timskog rada biće od velikog značaja, tako da ćete uvidjeti s vremenom da sami ne možete puno učiniti i da Vam je pomoći drugih neophodna.



ZDRAVLJE: Promijenite loše navike, a pogotovo one vezane za ishranu!

RIBE OD 20.02 DO 20.03

LJUBAV: Na površinu će izbiti različiti problemi, možda i novčani, jer ćete teško uskladiti svoje želje sa željama partnera.
POSAO: Uspješno ćete se organizovati i sa dosta energije pristupiti raščišćavanju zaostalih problema.

ZDRAVLJE: Osjećaj umora i fizičke iscrpljenosti.

ASW Bakery
5617 Gravois • St. Louis, MO 63116 • 314.832-2212
Every Day Fresh Bosnian
Bread • Cakes • Meat Pies • Cheese Pies, etc.
Closed Tuesday
Hours: Wed - Mon
8 a.m. - 9 p.m.
Owners:
Asim & Sebiha Veljacic
Cell Ph# (314) 517-3934

HOME DECOR AND MORE
4239 Reavis Barracks Rd
St. Louis, MO 63125
Phone: 314.631.2905
Fax: 314.752.9273
Sabiha Kovacevic
Owner

CAFE SARAJEVO MEDITERRANEAN CUISINE
SPECIAL:
SARAJEVSKI ĆEVAP
3553 Ritz Ctr
St. Louis
314-892-4000
OTVORENI MON - SAT OD 9.30AM - 7.00PM



Recept mjeseca

Hercegovački japrank



Sarma je izvorno tursko jelo koje se posebno na istoku Evrope priprema na brojne načine. Jedan od njih je i japrank, najčešće s listom vinove loze. Probajte posebno ukusan hercegovački japrank s raštkom namirisan metvicom.

Priprema

Listove raštike potopite u vrelu posoljenu vodu, izvadite, a zatim stavite u hladnu vodu te ocijedite.

Mljevenom mesu dodajte sitno narezan luk, rižu, sol, vegetu, ulje, biber te sve zajedno dobro izmiješajte.

Listove raštike filujte pripremljenim nadjevom i savijte ih u sarmice.

U širu posudu posložite sarmice u jednom redu, podlijte s malo vode i pospite narezanim metvicom.

Posudu poklopite i kuhajte na laganoj vatri oko sat vremena. Posudu povremeno protresite, a po potrebi dolijte malo vode.

Posluživanje

Poslužite s kiselim mlijekom.

Proljeće

Šta je prvi glasnik proljeća?

- Bosanac na mješalici!



Kaput

Jedan dan u školi napravili vješalicu za kapute i napisali: SAMO ZA PROFESORE!

Drugi dan neko na to dodao:

MOGU SE I KAPUTI OBJESTITI!

Jabuke

Prodavačica na pijaci više:

- Černobiljske jabuke, černobiljske jabuke!

Prilazi joj čovjek i pita je:

- Da li si ženo luda, što spominješ černobiljske, ko će ti kupiti jabuke?

- Aaa, kupuju, kupuju, neko za zeta, neko za svekrvu, neko za snahu, kupuju, kupuju...

Mujo pecaroš

Došao Haso da obide Muju u bolnici i pita ga:

- "Kako si bolan nastradao?"

- "Zbog pecanja."

- "Pa kako si pecao, crni Mujo?"

- "Prvo sam pecao na gliste ali me mrzelo da skupljam gliste pa su mi pokazali štos sa baterijom

- vežeš žice za jedan i drugi kraj baterije, gurneš ih u zemlju i gliste same izlaze.

Onda ja uzmem akumulator od kola, vežem žice i gurnem ih u zemlju kad ono izlaze rovci.



Uzmem dvije žice, vežem ih za šteker u zidu, izlaze krtice. Gledam ja onda onaj dalekovod pored moje kuće, gledam ga i ne dade mi šejtan mira - bacim dvije kuke do žica i zabodem ih u zemlju." - "I šta bi?"

- "Izađe treća smjena Kreke, ubi Boga u meni!"

Krvna grupa

Zašto punica i zet imaju istu krvnu grupu?

- jer jedno drugome piju krv



Punica

Tko je bio najsretniji ljubavni par na svijetu svih vremena?

- Eva i Adam, jer nisu imali punicu i svekrvu.

Urednici:
Murat Muratović
Mehmed Pargan

Dizajn:
Tarik Ibrahimović

Kolumna:
Mirzet Hamzić

Horoskop:
Sabina Mirojević

Fotografija:
Ahmet Bajrić Blicko, Safet Devlić

Novinari - dopisnici - saradnici:

Bosna i Hercegovina: Elvira Ibrahimović, Mehmed Pargan, Mirsad Sinanović, Salih Brkić, Hazim Karić, Nedim Berberović, Mehmed Dedović, Hazim Brkić, Sabit Hrustić, Amela Isanović, Muhamed Berbić, Mirzet Bećirović, Ajša Mevkjić;
USA: Azra Heljo, Hajro Smajić, Bajram Mulić, Murat Alibašić, Murat Muratović, Fadil Bradarić
Canada: Emir Ramić, Mustafa Kustrić, Sulejman Kobajica;
Australija: Hariz Halilović

Office in USA
Dijaspora bošnjačka
P.O. Box 2636
St.Louis, MO 63116
1-314-351-9599
1-314-494-6512

Office in Bosnia and Herzegovina
Dijaspora bošnjačka
BMG Bosanska medijska grupa
Pozorišna 4, Ars klub Arlekin 1. sprat
75 000 Tuzla
++ 387-35-277-692
www.bmg.ba

Distribution office in Canada
Jasmin Halkić
London, Canada
1-519-474-6336

www.bosnianmediagroup.com
www.dijasporabosnjacka.com
e-mail: dijaspora@sbcglobal.net

Redakcija zadržava pravo objavljivanja svih priloga prispjelih na adresu bez nadoknade ako to nije ranije utvrđeno ugovorom. Rukopisi i fotografije se ne vraćaju. Svako lično mišljenje nije i stav Redakcije.

Dijaspora bošnjačka, list Bošnjaka u iseljeništvu, izlazi jednom mjesečno.

Cijena: USA i Canada \$1,5, BiH 1 KM, Europe 1,5 €, Croatia 10 kn.
Preplata se dogovara u direktom kontaktu sa Redakcijom.

24 SATA SA VAMA RTV BOSTEL CHICAGO - USA



INFORMATIVNI PROGRAM, MUZIKA, FILMOVI, SERIJE, SMS PORUKE,
POKIDANE VEZE, HUMANITARNE AKCIJE, REKLAMNI PROGRAM,
REPORTAŽE IZ ZAJEDNICA SJEVERNE AMERIKE, OGLASI...

NAZOVITE JOŠ DANAS I DOBIJTE KOMPLETNU SATELITSKU OPREMU
KAKO BI GLEDALI TELEVIZIJSKI PROGRAM KOJI VAM DONOSI MIRIS
BOSNE U VAŠU KUĆU 24/7!

(773) 334 - 6200
satelite@rtvbostel.com

MI SPAJAMO SA DOMOVINOM